

# **REFERAT AIA - Aningaasaqarnermut Inuussutissarsionermullu Ataatsimiititaq d. 21-04-2020**

**Mødedato** Tirsdag d. 21. april 2020 kl. 18:00

**Mødested** Kommunalbestyrelsep ataatsimiittarfia

# Indholdsfortegnelse

|   |    |
|---|----|
| Saqqaa.....   | 3  |
| Oqaluserisassat akuersissutigineqarneri.....  | 4  |
| Nalunaarutit.....   | 5  |
| Ilisimatitsissutit.....   | 6  |
| Nuuk takorniarfissatut piujuartitsisutut akuersissuteqarfiginissaa.....                             | 7  |
| Visit Greenlandip takornariaqarnermut periusissiaa 2020-2023.....                                   | 11 |
| Ineriartortitsinissamut Pilersaarut pillugu killiffimmik nalunaarusiaq MI 2017-2020.....            | 15 |
| Aalajangiiffigisassat.....  | 19 |
| Suliat Kommunalbestyrelsimut ingerlateqqitassat.....  | 20 |
| Siunnersuut, kommunimut pilersaarummut tapiliusaaq 1A5-2 Tuapannguit, Nuuk.....                     | 21 |
| Kommunimut pilersaarummut tapiliusaaq 1C16-2, Kassarneqqortuunnguaq, Nuuk inaarutaasumik a          | 25 |
| Utoqqaat pillugit Siunnersuisooqatigiit sulinerat pillugu ataavartumik ilisimatitsissuteqarneq..... | 29 |
| Innarluutillit pillugit siunnersuisooqatigiit sulinerat pillugu ilisimatitsissut.....               | 32 |
| 2020-mi Suliat allaaserineqarneri.....  | 36 |
| Covid-19 pillugu ilisimatitsissut.....  | 39 |
| Ukiumut naatsorsuutit 2018 – Naatsorsuutit inaarneqarneri kukkunersuisut oqaaseqaataannik imall     | 45 |
| Ukiumoortumik naatsorsuutit 2019 – kukkunersuisunut nassiussineq.....                               | 50 |
| 2021-mut missingersuusiornissamut maleruagassat.....  | 55 |
| Qeqertarsuatsiaani tunitsiviliornissamut tunngatillugu Greenland Fish & Offshore ApS-ip saaffigin   | 59 |
| Sanarfinermut Avatangiisinullu Ingerlatsivimmi 2020-mut missingersuutini nuussineq.....             | 62 |
| Taasariaqartut allat.....   | 67 |
| Lukket.....   | 68 |
| Lukket.....   | 69 |
| Lukket.....   | 70 |
| Lukket.....   | 71 |
| Lukket.....   | 72 |
| Lukket.....   | 73 |
| Imaqarniliap akuerineqarnera.....   | 74 |

## **Punkt 0: Saqqaa**

### **Ilaasortat**

Charlotte Ludvigsen (IA), *siulittaasoq*

Harald Bianco (IA)

Charlotte Pike (IA)

Henrik Rachlev (IA)

Justus Hansen (D)

Peter Davidsen (S)

Jens Kristian Berthelsen (S)

### **Beslutning**

Ataatsimeeqataasut: Charlotte Ludvigsen (IA), Peter Davidsen (S) aamma Jens Kristian Berthelsen (S)

Oqarasuaatsikkut: Harald Bianco (IA), Charlotte Pike (IA), Henrik Rachlev (IA) aamma Justus Hansen (D)

Bo Colbe 05G-mi, 05H-mi 05I-imilu peqataavoq.

## **Punkt 1: Oqaluserisassat akuersissutigineqarneri**

### **Beslutning**

Oqaluserisassat akuersissutigineqarput.

## Punkt 2: Nalunaarutit

Siulittaasumit nalunaarutit

### Beslutning

2a.

1. Kommunalbestyrelsen immikkut sammisaqarnerani 26. augusti 2019-imi Tasiilami siunissami suliniutissat pillugit, eqqartorneqarpoq, siunissami 0-3-nik ukiulinnut angajoqqaanut siusinaartumik iliuseqarnermik pilersitsisoqarnissaa sulissutigineqassasoq, tamannalu immaqa pisinnaasoq Armarnqivat-nik allannguinnikkut. Armarnqivat suliffeqarfiuvoq namminersortoq nammineq siulersuisoqartoq, siulersuisullu siunertamik allannguinnissaq pitsaasumik isummerfigaat. Meeqqanut Ilaqutariinnullu Ingerlatsiviup Armarnqivat anaanamut meeqqamullu katsorsaavittut angerlarsimaffinngorlugu allanngortinnissaa kissaatigaa. Anaanamut meeqqamullu angerlarsimaffimmik siunertaavoq, meeraaqat inuunerisa pitsaasumik toqqissimasumillu aallartinnissaata qulakkeerneqarnissaa, meeqqap angajoqqaavisa angajoqqaajunermi annertuumik tapersersuineramik aamma siunnersorneqarnermik qulakkeeriniffiginerisigut. Tamanna pissaaq peqqissaanermik, perorsaanermik aamma isumaginninnermik sulisunit, suliamik ilisimasaqartunik piginnaasaqartunillu qanimut malinnaavigineqarnerisigut tapersersorneqarnerisigullu.
2. Coronap ajornartorsiutaanera pissutigalugu kommunimi Inuussutissarsionermut immikkoortortap sulisut marluk Greenland Businessimut atukkiuppai, tassani Naalakkersuisut ikiorsiissutaanik suliaqarnissamut ikiortaanissaat siunertarinqarluni. Sulisut juunip tungaanut atukkiussimaneqassasut naatsorsuutigineqarpoq.
3. Ulloq 7. aprili borgmesterip Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq, Ane Lone Bagger, kiisalu kommunini allani borgmesterit ataatsimeeqatigai. Ataatsimiinnermik siunertaavoq coronap ajornartorsiortitsinerata nalaani meeqqat atuarfiat pillugu suliaqarfiup eqqartornissaa. Ataatsimiinnermi eqqartorneqarput inaarutaasumik misilitsinnissat. Matumani borgmesterip siunnersuutigaa ukiumut karakterit Danmarkimit atorneqassasut imaluunniit inaarutaasumik misilitsinnerit kinguartinneqassasut, piareersarnissamut piffissaq sivikippallaarmat.
4. Covid-19-ip killilersimatinniarneqarneranut atatillugu matusinermi suliffissaaleqineq pillugu. Suliffissaaleqisut amerliartorput amerliartornerilu malinnaaffigilluarneqarput. Suliffissaaleqisut amerleriarnerat inuttut kiisalu aningaasaqarnikkut suliffeqanngikkallarnermi tapiissutinik akiliisarneq pissutigalugu kinguneqaateqarsinnaapput. Kommunip inuussutissarsiuteqartut attaveqarfigilluartarpai, piffissami qaninnermi suliffissaaleqisut nutaamik suliffimmik nassaarnissaannut atatillugu.
5. Ulloq 24. marsi Kulturimik siuarsaaneq pillugu siunnersuisooqatigiit Sermeq Puljemut qinnuteqaatit suliaarat. Siunnersuisooqatigiit katillugit qinnuteqaatinik 39-nik tigusaqarput, ataatsimiinnermilu aalajangerneqarpoq suliniutit qulit akuerereerneqassasut, taamaasillunilu katillugit 839.506 koruuninik tapersersuisoqassasoq.
6. Peqqissutsimut, Isumaginninnermut Inatsisinillu Atuutsitsinermit Naalakkersuisup, Martha Abelsen-ip nunami borgmesterit tallimaasut tamaasa ataatsimiinnissamut aggersarpai, Kalaallit Nunaanni meeqqat inuusuttullu atugarliortut iliuseqarfiginerat nukittorsarniarlugu kalaallit-qallunaat akimut suleqatigiinnerisa sumut killinnera pillugu ataatsimiissapput. Suliniummut tassunga piffissamut 2020-2023-mut Folketingip aningaasanut inatsisaanni 80,0 mio. kr.-it illuartinneqarnikuupput. Ataatsimiinneq oqarasuaatikkut 24. aprili 2020-mi ingerlanneqassaaq.

## **Punkt 3: Ilisimatitsissutit**

## **Punkt 03A: Nuuk takorniarfissatut piujuartitsisutut akuersissuteqarfiginissaa**

### **Beslutning**

Ilisimatitsissut tusaatitut tiguneqarpoq

### **Bilag**

EarthCheck aamma Green Growth-imik isumaqatigiissut – ENG.

EarthCheck aamma Green Growth-imik isumaqatigiissut – KAL

## **Nuuk takorniarfissatut pijuartitsisutut akuersissuteqarfiginissaa**

Ilisimatitsissut

J. nr: 66.15-A00-11-20

Suliffeqarfimmud Kiffartuussivik – Kommunaldirektøri Lars Møller Sørensen / LMS

### **Suliassamik eqikkaaneq**

Pijuartitsineq qiteritillugu kommunip politikii periusissaalu pioreersut tunngavigalugit aammalu siunissami takornariaqarnermi pijuartitsinermik qiterititaqarnissaq nalilerneqarmat, Kommuneqarfik Sermersuumi inuussutissarsionermut immikkoortortap Nuuk pijuartitsisutut takornariaqarfiunissaanik akuerineqarnissaa sulissutigalugu aallartippaa, FNp pijuartitsineq tunngavigalugu takornariaqarnermik nalilersuutai malillugit aningaasarsiuutigiginagu ingerlatsivik suliaqartoq EarthCheck, taassumalu suleqataa Green Growth suleqatigalugit.

Akuersissuteqartoqarnissaa anguniarlugu immikkoortut arfinillit ingerlaarfigissavagut, tamannalu qaammadini 12-14-ini sivirususeqassasoq naatsorsuutigineqarpoq, COVID-19 qanoq nikeriartiginissaa sillimaffigalugu. Akueritinnissamut tunngatillugu anguniarneqarpoq, Nuummi pijuartitsineq tunngavigalugu takornialerinermik ineriartortitsinissaq aammalu akuersissut atorlugu Nuuk takornariaqarfissatut tuniniarneqarnissaa. Taamaalilluta matumani suliniut iluaqtsiullugu takornarianut maanilu innuttaasunut pitsaasumik ineriartortitseqataassaagut.

### **Inassuteqaat**

Suliffeqarfimmud Kiffartuussiviup Aningaasaqarnermut Inuussutissarsionermullu Ataatsimiititumut inassuteqaatigaa:

- Ilisimatitsissut Ataatsimiititamit tusaatissatut tiguneqassasoq.

### **Suliassamik saqqummiussineq**

Marsip 12-iani 2019 Kommunalebestyrelsen takornariaqarner pillugu politikki akuersissutigaa, pijuartitsinissamik annertuumik qitiutitsiffiusoq, erseqqilluinnartumik tassani anguniagassat tallimaanniimmat takornariaqarnerup aningaasarsionikkut inooqataanermilu patajaatumik inuussutissarsiuutigalugu ingerlanneqarnissaa pineqarluni.

Tamatuma saniatigut pijuartitsilluni takornariaqarner aamma Kommuneqarfik Sermersuup Illoqarfiit Pingaarnersaannut periusissiami, nunarsuaq tamakkerlugu anguniakkani, takornialerinermi periusissami aammalu, Visit Greenlandip takornariaqarnermi periusissiaani tamanna anguniarneqarpoq.

Siullertut akuersissuteqarfigineqarneq Nuummi pijuartitsisumik takornariaqarnermik ineriartortitsineq qulakkeerneqassaaq. Akuersissuteqarfigineqarnerup ilaatut taassumallu attatiinneqarnissaanut Nuuk inuiaqatigeeqarfittut pijuartitsisumillu takornariaqarfiunissaanut siunersorneqartarlutalu siunnersortittassaagut.

Tassunga ilanngullugu pijuartitsisutut akuersissuteqarfigineqarneq Nuuk takornariaqarfittut niuerutigineqarnissaanut atorluarneqassaaq, pissutigalugu tassaamat, siunissami takornariat noqqaassutiginerusassaat, pingaartumik misigisassarsiorartut eqqarsaatigalugit, Visit Greenlandip Kommuneqarfik Sermersuullu suliassamissut aallukkusutaat. Suliassaqarfik taanna immikkut pilergineqarpoq, pissutigalugu najukkamut tikitaminnut aningaasatigut pilersueqataalluassammata, pijuartitsisumik angalassammata taamaasillutillu angalaffigisaminni annikitsuinnarmi akornutaassammata. Allatut oqaatigalugu, pijuartitsineq tassaavoq Nuummi takornialerinermi qitiutinneqartoq, takornarissanut najugaqartunullu.

Taamaattumik Kommuneqarfik Sermersuup inuussutissarsiornermut immikkoortorta qarfiata Nuuk piujuartitsisumik takornariaqarfittut akuerineqarnera aningaasarsiutiginaq ingerlataqarfiusumut EarthCheckimut isumaqatigiissuteqarfigaa, FN'ip piujuartitsineq tunngavigalugu piumasaqaatai naapertorlugit sulimmat. Takornariaqarnerup aningaasarsiornikkut inooqataanermilu patajaatsumik inuussutissarsiutitit ingerlanneqarnissaa qitiutinneqassalluni. EarthCheck akuersissummik tunniussisaaq, taavalu EarthChecksip suleqataa Green Growth akuersissummik ukiumoortumik nakkutilliisuussalluni.

Qaammatit 12-14-it ingerlanerini COVID-19 qanoq nikeriartiginera apeqquaatillugu akuersissuteqarfigineqarnissap tungaanut immikkoortut arfinillit aqquasaassavagut:

1. Suleqatigiissitami ataqatigiissarisumik suleqatigiinnillu toqqaaneq
2. Piujuartitsinermik politikimik akuersisstueqarneq (Tassunga ilanngullugu EarthCheck, Kommuneqarfik Sermersuumi Nunarsuaq tamakkerlugu periusissaaq atorneqassasoq)
3. Aaqqissuulluakkamik suliaqarneq, imaappoq nalunaarussiaq, piujuartitsinermik suliaqarnitsinnut aallaaviusussamik.
4. Compliance
5. Pitsanngorsaataasumik suliniuteqarnerit nalornissutaasunillu misissueqqissaarinerit
6. Oqaloqateqarnerit, attaveqatigiinnerit nalunaarusiornerrillu

Aqquasaagassat pingajuat naammassereerpat Nuuk takornariaqarfittut akuersissumik bronzemik "Bronze Benchmarked"-imik pissarsissaaq. Aqquasaagassat arfernat naammassereerpat Nuuk takornariaqarfittut akuersissummik "Silver Certified"-imik pissarsissaaq. Ukiuni tullinnguuttuni akuersissutit qaffasinnerusut pissarsiarineqartalissapput.

#### *Aaqqiissutissatut siunnersuut – suliatigut naliliineq*

Suliffeqarfimmu Kiffartuussiviup nalilerpaa sulniut tamanna Nuummi piujuartitsineq tunngavigalugu takornariaqarnermut aammalu Nuuk takornariaqarfissatut tuniniarneqarnissaanut iluaqusernissaa qulakkeerneqassasoq. Suliniut Kommuneqarfik Sermersuup politikkiinik periusissiaanillu naammassinniffiussaaq, inuussutissarsiuteqartunut, takornarianut najukkamilu innutaasunut iluaqutaasumik.

#### *Aningaasatigut sulisoqarnikkullu naliliinerit*

Atuutilersitsinissami 609.000 kr.-it missaat atorneqassapput, taavalu ukioq siulleq angalanernut unnuinernullu tunngasunut aningaasat nalingisa allanngorarneri apeqquaatillugit, euro aamma australske dollars akiliutigineqartussaammata.

Tamatuma kingornagut ukiumut 112.500 kr.-it atorneqassapput akuersissut ataavartinniarlugu angalanerit unnuisarnerillu ilanngullugit, aningaasat nalingisa allanngorarneri apeqquaatillugit, australske dollars akiliutigineqartussaammata.

#### *Inatsisitigut tunngavissaaq allakkallu tunngaviusumik uppernarsaatitallit*

- Kommuneqarfik Sermersuup Takornariaqarnermut aammalu Nunarsuarmi anguniagaasunut periusissiai

#### *Ingerlariaqqinnissaaq*

Alloriarneq tullinnguuttoq tassaassaaq suleqatigiissitamik pilersitsineq, tulliuullugulu Benchmarking, taannaassamat akuersissuteqarfigineqarnermut aallaavissaaq aammalu akuersissummik bronzemik "Bronze Benchmarked" pissarsissutissaaq.

Naatsorsuutit naapertorlugit qaammatit 12-14-it atorneqassasut aqquasaagassat arfinillit naammassineqarnissaannut, akuersissutip "Silver Certified"-p pissarsiarineqarnissaanut COVID-19 nikeriarnera sillimaffigineqassalluni. Maannamut angerlarsimaffimmit suliamik ingerlatsisoqarsinnaasimavoq, akuersissutinik suliaqarneq digitalimik ataatsimiittarfitsigut

ingerlanneqartarmat. Taamaattumik Sermersuumi Inuussutissarsiornermut immikkoortortaq avataaniillu siunnersortit naliliipput, akuersissut pilersaarut malillugu qaammatit 12-14-it ingerlaneranni naammassineqarsinnaassasoq. Ilimagisaq malillugu Kalaallit Nunaat ukiamut 2020-mi nunanut allanut angalanissanut ammaanneqassaaq.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfik oqaaseqartinniarneqanngilaq.

**Innuttaasunik peqataatitsineq/attaveqaqatigiinneq**

Takornariaqarnermik suliaqartut turismeklyngeq aqutugalugu peqataatinneqareerput. Innuttaasunik peqatitsisoqanngilaq.

**Ingerlatsivinnit allaniit oqaaseqaatigineqartut**

Ingerlatsivinnit allaniit oqaaseqartitsisoqarsimannngilaq

**Ilanngussat**

1. EarthCheck aamma Green Growth-imik isumaqatigiissut – ENG.
2. EarthCheck aamma Green Growth-imik isumaqatigiissut – KAL

## **Punkt 03B: Visit Greenlandip takornariaqarnermut periusissiaa 2020-2023**

### **Beslutning**

Ilisimatitsissut tusaatitut tiguneqarpoq

### **Bilag**

20/23 Takornariat amerliniarlugit aqqut – Siuariarnissaq pillugu ataatsimut suliniuteqarneq, ineriartorneq takornariaqarnerlu akisussaaffilik

## Visit Greenlandip takornariaqarnermut periusissiaa 2020-2023

Ilisimatitsissut

J. nr.: 66.15-A00-6-20

Suliffeqarfimmut Kiffartuussivik – Kommunaldirektøri Lars Møller Sørensen / LMS

### Suliassamik eqikkaaneq

Februaarip ulluisa 19-iat 2020 Visit Greenlandip takornariaqarnermut periusissiaq nutaaq 2020-2023 saqqummiuppaa. Periusissiaq tassaavoq Nuna tamakkerlugu takornariaqartitsinermit periusissiap ilaa sulii Naalakkersuisunit saqqummiunneqanngitsoq. Visit Greenland Kommuneqarfik Sermersuup suleqatigilluartuuaa, kommunip nammineq takornariaqarnermut ineriartortitsineq pillugu suliniutaanut tunngatillugu taamaattumik Aningaasaqarnermut Inuussutissarsiornermullu Ataatsimiititaq Visit Greenlandip periusissiaa pillugu ilisimatinneqassaaq.

Visit Greenlandip aningaasatigut ineriartortitsinissaq peqataaffigerusullugu takorloopaa, suliffissat inuiaqatigiinnilu napatitsisinnaasumik ineriartortitsineq Kalaallit Nunaat nunarsuaq tamakkerlugu akuerisamik piumaneqartumillu tikitassanngorlugu, pitsaassuseq, qularnaassuseq piujuaannartitsinerlu qitiutinneqarlutik.

Ataqatigiisitsinermit tunngasumik misigisassarsioritsineq ima paasineqassaaq, takornarianut pinngortitarsuaq, kulturi timikkullu sammisassaqartitsineq sammitinneqassasut. Takornariat misigisassarsiorartut sullitaapput piumaneqarluartut, takornariat katillugit nalinginnaasumik piffimmi 65 % tikillugit kaaviiartitsisarmata akerlianik takornariat inclusive-imik taasagaat tassa sunut tamanut peqataajumasut taamaallaat 5 % -imik kaaviiartitsisartut.

Annerusumik ineriartortitsinermit 2020-milu nunanut allanut angalanertigut Visit Greenlandip periusissiaa **COVID-19mut tunngasut** pissutigalugit sunniuteqarfigineqassanersoq, Sermersuumi Inuussutissarsiornermut immikkoortortami isummorsorfigineqarpoq.

### Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- Ilisimatitsissut tusaatissatut tiguneqassasoq

### Suliassamik saqqummiussineq

Visit Greenlandip periusissiaata immikkoortui pingaarnersat:

Periusissiami immikkoortut sisamat qitiutinneqarput, ukuusut:

#### 1. Takornariat misigisassarsiorartut piumanerisa annertusarneqarnissaa

- Anguniakkat taakku ilaat pingasunik agguataarneqarput
  - a. 2023 tikillugu nunanit allanit unnuisartut 5 % missaannit ukiumut amerlinissaat.
  - b. Anguniagaavoq Visitgreenland.com periusissiap nalaani immikkut tikeraat ukiumut 15 %-inik amerlinissaat.
  - c. Tuniniakkat ukiumut amerlinissaat, Kalaallit Nunaannit tuniniaasut, imaassinnaavoq tuniniaasut pioreersut, orniguffinnit nutaanik tuniniaasut imaluunniit tuniniaasut nutaat – orniguffiit/tuniniaasut pingasut nutaat pilersinnissaat anguniagaavoq.
- Suliniutit pingaarnert taava tullinnguupput:
  - a. Branding-kampagne 2021-2023.

- b. Nunani tamalaani pitsaassutsimut nalunaarsuinerit aaqqissuussap ineriartortinneqarnera.
- c. Danmarkimi, Tysklandimi, Tuluit Nunaanni, Frankrigimi Amerikallu Avannaani B2B-imik nittarsaassineq.
- d. Europap Kujataani, Asiami Beneluximilu tuniniaaffiit misissorneqarnerat aamma Islandi suleqatiginerunissaanut periarfissat misissorneqarnerat.
- e. Saqqummersitsinernit workshopsinilu soorlu makkunani Midatlantic, 5-Countries Workshop, Paris Nordic Workshop, ITB Berlin, Vestnorden, Seatrade Cruise Europe, ATWS, DTTT Global, NATA workshops aamma AECO-konferencen peqataaneq.
- f. Visit Denmark aamma Wonderful Copenhagen kiisalu Nordic Tourism Working Group suleqatigineri suli ingerlanneqassapput.
- g. Umiarsuarmik angalaarnermi isumasioqatigiinneq 2020-imi aaqqissuussaq cruise-turisme piujuaannartitsinissaq sammillugu.
- h. NATA – North Atlantic Tourism Association suleqatigiinneq ingerlateqqillugu Island, Savalimmiut Kalaallit Nunaat Vestnorden-angalanermit saqqummersitsinerit Kalaallit Nunaanni 2021-imi ingerlanneqassapput.

## **2. Takornariaqarnek Kalaallit Nunaanni ukioq naallugu**

- a. Takornarialerisut, ingerlatitseqatigiit desinationit timmisartuutitseqatigiiffillu suleqatigalugit ukiuunerani takornariaqarnek samminerullugu.
- b. Ukiuunerani tuniniagassat suliniutillu nutaat pillugit ukiup qanoq ilineranik sammisassat sivitsornerat pillugit ilisimasanik katersineq.
- c. MICE-segmentet pillugu sammisassat, tassa imaappoq inuussutissarsiornermut tunngasunik takornariat soorlu assersuutigalugu ataatsimiigianut, ataatsimeersuarianut ilaallu ilanngullugit.

## **3. Ilisimasanik avitseqatigiinneq piginnaasanillu kivitseqatigiinneq**

- a. DMO-init, destinations management organisations-imeersut oqaloqatiginerat.
- b. Digital Tourism in the Nordics Islandi, Savalimmiut Finlandimiullu peqatigalugit takornarialerisut sakkussanik digitaliusunik ikiuinissaq pillugu peqataaneq.
- c. [traveltrade.visitgreenland.com](http://traveltrade.visitgreenland.com)-imit fagpersoninit ilisimasanik ineriartortitseqqinneq.
- d. Campus Kujalleq suleqatigalugu takornarialerinerit ilinniarnert ineriartortinnissaat.
- e. Inuiaqatigiit takornariaqarnermut isumaannik misissuineq.
- f. Inuiaqatigiinnut takornariaqarnek pillugu naleqartitsineq pillugu paasissutissanik ineriartortitsineq.

## **4. Killigititaasut siuarsarnerat**

- a. Takornariaqarnek pillugu kisitsisilersuineruneq.
- b. [tourismstat.gl](http://tourismstat.gl). aqutigalugu takornariaqarnek pillugu ukiumoortumik nalunaarsuinerup saqqummertarnissaa.
- c. Oqaloqatigiinnerunissap sulissutiginnissaa.
- d. Takornariartitsinnaanermi akuersissutit pillugit paasinninnissap annertusarnissaa.

Visit Greenlandip anguniagaata aqutaani iluatsitsinerit pingasut ilisarnaataasut:

1. Piffissami 2019-2023 nunanit allanit unnuisartut ukiumut 5 % missaannit qaffannerat.
2. Takornariat nalinginnaasumik tikeraarnertik iluarisimaarinninnerat Kalaallit Nunaannilu misigisaat minnerpaaffiani 2015-imi aamma 2017-imi qaffasinnerat assigiinnarput, tassa tallimaagunik 4,7-ulluni.
3. Kalaallit Nunaanni innuttaasut ikinnerpaamik 80 % -iisa takornariaqarnek kalaallit inuiaqatigiinnut ajunngitsumik sunniuttusoq isumaqarput.

**COVID-19qarnerata** qanoq Visit Greenlandip periusissiaanut sunniuteqarsinnaanera suli ilisimaneqanngilaq. Ilimagineqarpoq COVID-19p 2020 annerusumik sunniuteqarfigissagaa ineriartortitsinermilu anguniakkanillu naammassineqarsinnaassanatik. Tulliatut saqqummersitsinermi peqataanerit sunnerneqassapput, taakkualu aamma 2020-mi taamaatiinnarneqarnissaat ilimanarluni. Visit Greenland siumoortumik 2021-mit umiarsuarnik takornariaqarnermut tunngatillugu saqqummersitsinernut peqataanissaminut taamaatitsiinnarluni aalajangereerpoq, aasaaneranilu 2020-mi umiarsuarnik takornariaqarnermut tunngatillugu saqqummersitsinerit tamakkingajallutik taamaatinneqareerlutik.

*Aaqqiissutissatut siunnersuut – suliatigut naliliineq*  
Pisariaqanngilaq

*Aningaasatigut sulisoqarnikkullu naliliinerit*  
Pisariaqanngilaq

*Inatsisitigut tunngavissaq allakkallu tunngaviusumik uppersaatitallit*  
Pisariaqanngilaq

*Ingerlariaqqinnissaq*  
Visit Greenlandip takornariaqarnermut periusissiaa Kommuneqarfik Sermersuup Nuummut takornariaqarnermut periusissiaanut isumassarsiorfiussaaq.

**Aningaasaqarnermut Allatseqarfimmit oqaaseqaatit**  
Aningaasaqarnermut Allatseqarfik oqaaseqartinniarneqanngilaq.

**Innuttaasunik peqataatitsineq/attaveqaqatigiinneq**  
Pisariaqanngilaq.

**Ingerlatsivinnit allaniit oqaaseqaatigineqartut**  
Ingerlatsivinnit allaniit oqaaseqartitsiniartoqanngilaq.

## **Ilanngussat**

1. 20/23 Takornariat amerliniarlugit aqut – Siuariarnissaq pillugu ataatsimut suliniuteqarneq, ineriartorneq takornariaqarnerlu akisussaaffilik

## **Punkt 03C: Ineriartortitsinissamut Pilersaarut pillugu killiffimmik nalunaarusiaq MI 2017-2020**

### **Beslutning**

Ilisimatitsissut tusaatissatut tiguneqarpoq, Siumut ima oqaaseqaatitalerneqarluni, nalunaarutiginnittoqartillugu nalunaarutiginnittumut killiffik pillugu nalunaartoqartassasoq.

### **Bilag**

Killiffik pillugu nalunaarusiat 10-t, 4. kvartal 2019

Suliassanut pilersaarut 2017-2020 (nutartigaq)

Killiffik pillugu nalunaarusiaq pillugu Deloitte-p oqaaseqaatai innersuussutailu DK

## **Ineriartortitsinissamut Pilersaarut pillugu killiffimmik nalunaarusiaq MI 2017-2020**

Killiffik pillugu nalunaarusiat 10-at, kvartalit sisamaat 2019

Ilisimatitsissut

J. nr: 42.00

Meeqqanut Ilaqutariinnullu Ingerlatsivik – Pisortaq Martha Lund Olsen / MLOL

### **Suliassamik eqikkaaneq**

Ineriartortitsinissamik pilersaarummut 2017-2020 tunngatillugu, tassanilu suliarineqartussat ilanngullugit, Meeqqanut Ilaqutariinnullu Ingerlatsivimmit killiffii pillugit 2019-imi kvartalip sisamaat nalunaarusiarineqarput.

Killiffimmik nalunaarusiap suliarinerani siunnersuinikkut ilitsersuinikkullu Deloittep ingerlatsivik suleqatigivaa.

2019-imi kvartalip sisamaani killiffik pillugu nalunaarusiaq sisamat avinneqarpoq:

- Ingerlatsiviup killiffik pillugu nalunaarusiaa
- Suliassat pillugit pilersaarut nutartigaq

Suliaq Meeqqanut Ilaqutariinnullu Ataatsimiititami apriliip 14-iani 2020-mi oqaluuserineqarpoq, ataatsimiititap innersuussut akuersissutigaa suliarlu Aningaasaqarnermut Inuussutissarsiornermullu Ataatsimiititamut ilisimatitsissutitut ingerlateqqillugu.

### **Inassuteqaat**

Meeqqanut Ilaqutariinnullu Ingerlatsiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Meeqqanut Ilaqutariinnullu Ingerlatsivimmi Oqartussaaffeqarfiup sulinera Nakkutilliisoqarfiup Kommuneqarfik Sermersuumut 2019-imi juulimi uparuaatigisaanut tunngasunik 2019-imi kvartalip sisamaanni aamma imaqangaatsiarpoq. Danmarkimi Socialstyrelseni suleqatigalugu, qallunaat isumaginninnermik siunnersortit arfineq pingasut Kommuneqarfik Sermersuumut atukkiunneqarput, Tasiilami isumaginninnermik misissuinnermik suliarineqarsimanngitsunik ikiuunnissaat siunertaralugu.

Nuummi suliniutit eqqarsaatigalugit suliat katersuunnaqartut suli amerlasoorujussuupput.

Kvartalip sisamaata naajartorerani oqartussaaffeqarfimmut kommunip ESDH-systemia nutaaq "GetOrganized" saqqummiunneqarpoq, taannalu 2020-mi naammassillugu atuutilersinneqarsimanissaa naatsorsuutigineqarpoq.

Pitsaaliuinnermik ilaqutariinnillu katsorsaanermit tunngasuni neqeroorutigineqartut pitsanngoriartuinnarput. Oqartussaaffeqarfimmi suliat katersuunnaqartut pissutigalugit ikiorsiissutitigut neqeroorutini ataasiakkaanut innersuunneqarsimanngitsunik suli peqarpoq. Ikiorsiissutitigut neqeroorutini suliatigut piukkunnarsaanissaq annertuumik qitiutinneqarpoq. Ikiorsiissutitigut neqeroorutit eqqarsaatigalugit immikkoortuni ataasiakkaanut naapertuuttunik sulisussanik suliatigut ilisimasalinnik piukkunnartunillu atorfinitsitsiniarneq suli ajornartorsiutaasutut isigineqarpoq.

Tasiilami upalungaarsimaneq pillugu immikkoortut assigiinngitsut akornanni suleqatigiinneq, kinguaassiuutitigut kannгуттаatsuliortoqarsinnaaneranut pitsaaliuineramik suliaqarfiusussaq, kvartalip sisamaanni alloriarnissap tullianut ingerlariaqqiffiusimavoq, siunnersuisoqatigiinnik pilersitsisoqarluni. Kvartalip sisamaanni aamma Nuummi tassunga assingusumik upalungaarsimanissamik annertusaanermik suliaqartoqarpoq. Nuummi niviarsiaqqanik ataatsimoortukkuutaartunik pinerlunniaqqajaasoqartarneranik ajornartorsiummut atatillugu suliniuteqarnissamut aaqqiissutissarsiornermilu ingerlatsiviup politiinik peqqissaavimmillu oqaloqateqallattaarnerit aallartippai.

#### *Aaqqiissutissatut siunnersuut – suliatigut naliliineq*

Oqartussaaffeqarfiup aqutsisunit nakkutigineqarnera aalajangersimasunillu anguniagaqarneq: Ingerlatsivik tutsuiginartunik kisitsisit atorlugit naatsorsuusiornissamut pisariaqartunik teknikkikkut sulii atororissaaruteqanngilaq. Naatsorsuusiornit taamatut ittut pisariaqarput, oqarsinnaangussagaanni ineriartortitsinermik pilersaarummi anguniagaasoq anguneqarsimanersoq. Tassunga atatillugu aqutsisut nakkutilliinerannut nalunaarusioriaaseq qanoq ittoq ingerlatsivimmit kissaatigineqarnerasoq aammattaaq aalajangiiffigineqartariaqarpoq.

Sulii annertussusaa: Nalilerneqarpoq, Tasiilami isumaginninnermi misissuinissaq isumaginninnermik siunnersortit Danmarkimiit atukkiunneqartut ikiortigalugit isumagineqarsinnaangussasoq. Tamatumalu suliniutitigut kinguaattoorfiusinnaaneranik kinguneqassasoq qularnanngilluinnarpoq, aqutsisullu paasiniassavaa pitsaanerpaamik qanoq iliuuseqarfigineqassanersoq.

Oqartussaaffeqarfiup ikiorsiissuteqarfiullu suleqatigiinnerat: Meeqqamut pitsaanerpaaq anguniarlugu aamma suliniutit ingerlasut pitsaassusissaat qulakkeerniarlugit oqartussaaffeqarfiup aamma ikiorsiissuteqartarfiup suleqatigiinnerat pitsaanerulersinneqartariaqarpoq.

Pinaveersaartitsineq aamma ilaqutariinnik katsorsaaneq: Ikiorsiissuteqartarfimmi neqeroorutit ilorraap tungaanut ingerlaneranni pitsanngoriartornerannilu ikiorneqarneq attatiinnarneqartariaqarpoq. Amerlasuunik suliniutinik suliaqarnerup takutippaa, siammasissunik neqerooruteqarnissaq sulii atorfissaqartinneqartoq, tassa suliniutit aqutigalugit aaqquissuussaasumik pitsaaliuineramik suliaqartoqarsinnaaqullugu.

#### *Aningaasatigut sulisoqarnikkullu naliliinerit*

Soqanngilaq

#### *Inatsisitigut tunngavissaq allakkallu tunngaviummik uppernarsaatitallit*

- "Ineriartortitsinissamut Pilersaarut MI 2017-2020"

#### *Ingerlariaqqinnissaq*

Ineriartitsitsinissamik pilersaarut Ineriartitsitsinissamut pilersaarut MI 2017-2020 naapertorlugu ingerlateqqinneqassaaq. Suliiassanut pilersaarut ilanngullugu nassiunneqartumi soorlu atuarneqarsinnaasoq, anguniakkani ataasiakkaat siusinnerusukkut pisussanngorlugit 2020-mi piviusunngortinniarnearput.

#### **Aningaasaqarnermut Allatseqarfimmit oqaaseqaatit**

Soqanngilaq

#### **Innuttaasunik peqataatitsineq/attaveqatigiinneq**

Soqanngilaq

## **Ingerlatsivinnit allaniit oqaaseqaatigineqartut**

Soqanngilaq

### **Siusinnerusukkut aalajangernerit:**

*Meeqqanut Ilaqutariinnut Atuarfeqarnermullu Ataatsimiititap aprillip 14-iani 2020-mi aalangiinera:*  
Inassuteqaat akuersissutigineqarpoq.

### **Ilanngussat**

1. Killiffik pillugu nalunaarusiat 10-at, 4. kvartal 2019
2. Suliassanut pilersaarut 2017-2020 (nutartigaq)
3. Killiffik pillugu nalunaarusiaq pillugu Deloitte-p oqaaseqaatai innersuussutailu

## **Punkt 4: Aalajangiiffigisassat**

Soqanngilaq.

### **Beslutning**

Soqanngilaq.

## **Punkt 5: Suliat Kommunalbestyrelsimut ingerlateqqitassat**

## **Punkt 05A: Siunnersuut, kommunimut pilersaarummut tapiliussa q 1A5-2 Tuapannguit, Nuuk**

### **Beslutning**

Inassuteqaat akuersissutigineqarpoq.

### **Bilag**

Kommunip pilersaarutaanut tapiliussamut siunnersuut 1A5-2, Tuapannguit, Nuuk

# **Siunnersuut, kommunimut pilersaarummut tapiliusseq 1A5-2 Tuapannguit, Nuuk**

Kommunimut pilersaarummut tapiliussamat siunnersuut

Aalajangiiffigisassaq

J.nr.: ANL-2019-00021

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHWJ

## **Suliassamik eqikkaaneq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1A5-2 Tuapannguit, Nuuk, siunnersuut matumuuna saqqummiunneqarpoq.

Kommunalbestyrelsip november 2019-imi taamaalilluni pilersaarummut immikkoortumut §32-imi inerteqqut atorunnaarsippaa. Tassa imaappoq, nunaminertat illulionermillu suliarinninneq ukioq ataatsip missaani unitsinneqassasoq kommunimut pilersaarummut tapiliussap nutaap suliarineqarnerata nalaani.

Kommunimut pilersaarummut tapiliussami aalajangersarneqarpoq immikkoortup ilaa 1A5 inissiaqarfiussasoq ilaqutariit ataatsit illuinik illullu affarleriikkaanik sanaartorfiusoq.

Maannakkorpiaq kommunimut pilersaarummut tapiliussamat tunngatillugu piffimmi pisiniarfimmik kioskimilluunniit ingerlatitsisoqaqqusaanngilaq

Immikkoortup ilaani, illuliortaatsip illullu angissusianik, pisoqqamit nutaamut ikaarsaariarnertaanik ersersitsisumik atatitsisuussaaq. Sanaqqinneqarnerani nutaamilluunniit sanaartornermi illut aappaa affaanik quleriussapput. Nunami sananeqarnissaa ajornanngippat naqqup ataani inimik atorneqarsinnaasumik sanasoqarnissaa akuersissutigineqarsinnaavoq.

Sanaartorfissaq ataaseq inissiamut pisortanit pigineqartumut sanaartorfiusussanngortinneqarpoq. Sanaartukat pioreersut eqqaanni sanaartorfissat sanaffissanngortinneqassapput, pioreersunik alliliinissamat imaluunniit isateriarlugu sanaartornissamat periarfissiisumik. Nunaminertaq sanaartorfissaq ataaseq 150 m<sup>2</sup> angissuseqarpoq taannalu 1½ -mik quleriussaaq.

Suliaq Sanarfinermut Avatangiisinullu Ataatsimiititap apriliip 15-iani 2020-mi ataatsimiinnerani oqaluserineqarpoq, ataatsimiititallu inassuteqaat akuersissutigaa suliarlu sapaatit-akunnerini arfinilinni tusarniaassutigineqarnissaa siunertarlugu inaarutaasumik akuersissutigisassanngorlugu Aningaasaqarnermut Inuussutissarsionermullu Ataatsimiititamut kiisalu Kommunalbestyrelsimut ilisimatitsissutitut ingerlateqqillugu.

## **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuussutissarsionermullu Ataatsimiititamut inassuteqaatigissagaa:

- kommunimut pilersaarummut tapiliussassatut siunnersuut 1A5-2 Tuapannguit, Nuuk, sapaatit-akunnerini arfinilinni tusarniaassutigineqarnissaa akuersissutigineqassasoq
- suliaq Kommunalbestyrelsimut ilisimatitsissutitut ingerlateqqinneqassasoq

## **Suliassamik saqqummiussineq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1A5-2 Tuapannguit, Nuuk, siunnersuut matumuuna saqqummiunneqarpoq.

Kommunalbestyrelsip novembari 2019-imi taamaalilluni pilersaarusingamut immikkoortumut §32-imi inerteqqut atorunnaarsippaa. Tassa imaappoq, nunaminertat illuliornermillu suliarinnineq ukioq ataatsip missaani unitsinneqassasoq kommunimut pilersaarummut tapiliussap nutaap suliarineqarnerata nalaani. Inerteqquteqarnermi qulakkeerniarneqarpoq piffissap akunnerani pilersaarummut nutaami siunertanut akerliusunik pissutsinik pilersitsisoqannginnissaa.

Kommunimut pilersaarummut tapiliussatut siunnersuummi uani pineqarpoq immikkoortup ilaa 1A5 illoqarfiup ilaani ilaqutariinnut ataasiakkaanut aamma illut affarleriit ataasiakkaat inissisimaffigisaat. Aammalu inissiaqarfiusuni taamaallaat akuersissuteqarluni inuussutissarsiteqartoqarsinnaavoq. Maannakkorpiaq kommunimut pilersaarummut tapiliussamut tunngatillugu piffimmi pisiniarfimmik kioskimilluunniit ingerlatitsisoqassusaanngilaq.

Tuapannguit sanaartornermi Nuutoqqamit isikkivimmik aalajangiisuusarpoq. Taamaattumik immikkoortup ilisarnaataata pigiinnarnissaa piffimmi pingaaruteqarpoq. Kommunimut pilersaarummut tapiliussaq una illuliorataatsip illullu angissusii eqqarsaatigalugit, pisoqqamit nutaamut ikaarsaariarnerata attatiinnarneqarnissaanik ersersinneqarnissaanik qulakkeerisuusaaq. Taamaalilluni pilersaarutitut siunnersuut illoqarfiup oqaluttuarisaaneranut atatitsisuusaaq.

Immikkoortumi sanaartorfissiamik ataatsimik nutaamik atugassiisoqassaaq. Taanna taamaallaat pisortat inissiaataannik sanaartornissamut atorneqarsinnaavoq annerpaamik toqqaviata annertussusaa 150 m<sup>2</sup> –iussalluni 1½ etageaassallunilu. Kommunimut pilersaarummut tapilussassatut siunnersuummi siunertarineqarpoq 1A5-2mi illut suut, qanorlu ittut sananeqarsinnaanerannut aalajangersakkanik qulakkeerinissaaq. Immikkoortup ilaani siunissami nutaamik imaluunniit sanaqqiinnissami, quleriit 1½ toqqavialu 150 m<sup>2</sup>. nunap ilusaata ajornartinggippagu, najugarineqarsinnaasumik kiilereqarnissaanut akuersissummik tunniussisoqarsinnaavoq.

#### *Aaqqiissutissatut siunnersuut – suliatigut naliliineq*

Immikkoortup ilaa 1A5 najugaqarfiuinnartussatut ingerlatsivimmit nalilerneqarpoq (A) ilaqutariinnut ataatsinut aammalu affarleriinnik illoqarfiuinnassasut. Illoqarfiup ilaani tamaani illut sanaqqaarneqartut amerlanerit piiarneqarsimagaluartut pingaartuuvoq ataasiakkaanik pukkitsunillu illoqarfiunerata attatiinnarnissaa. Tamannalu oqaluttuarisaanerme Nuup qitiusumik illoqarfiata isikkuanut ilapittuutaavoq. Peqatigitillugu pilersaarutitut siunnersuut ullutsinnut naleqquttumik inissialiornissamut periarfissiivoq.

Pilersaarutitut siunnersuummi sumiiffiup atorneqarnissaanut killiliussat aalajangiusimaneqassapput, Tuapannguummi tassaagami illoqarfiup pisoqartaanut Nuutoqqamut tunuliaqutaasoq ilisarnarluartoq. Taamaattumik immikkoortup ilaani sanaartoriaaseq illullu angissusai eqqarsaatigalugit illoqarfiup qeqqani pisoqqamit nutaanut ikaarsaariarnerup ingerlateqqinneqarneranik ersersitsisuusaaq.

#### *Aningaasatigut sulisoqarnikkullu naliliinerit*

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

#### *Inatsisitigut tunngavissaq allakkallu tunngaviusumik uppernarsaatitalit*

Kommunimut pilersaarummut tapiliussatut siunnersuutit tullinnguuttut uku tunngavigalugit suliarineqarpoq:

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisissaat nr. 34, 9. decembari 2015-imeersoq
- Kommunitumut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Siunnersuut tamanut tusarniaassutigineqassaaq sap. ak. 6-*ini*.

Matumani Kommunitumut pilersaarutissatut siunnersuutip 1A5-2-p akuersissutigineqarneratigut Illoqarfiup ilaanut pilersaarut 1.27 atorunnaarsinneqassaaq.

#### **Aningaasaqarnermut Allatseqarfimmit oqaaseqaatit**

Soqanngilaq

#### **Innuttaasunik peqataatitsineq/attaveqaqatigiinneq**

Siunnersuut tamanut tusarniaassutigineqassaaq sap. ak. 6-*ini*. Tusarniaaneq Nuuk Ugeavisikkut kiisalu kommunip tusarniaassutitut nittartagaatigut nalunaarutigineqarput.

#### **Ingerlatsivinnit allaniit oqaaseqaatigineqartut**

Soqanngilaq

#### **Siusinnerusukkat aalajangernerit:**

*Sanarfinermut Avatangiisinullu Ataatsimiititap apriliip 15-iani 2020-mi aalajangernerit:*

Inassuteqaat akuersissutigineqarpoq.

#### **Ilanngussat**

1. Kommunitumut pilersaarutaanut tapiliussamut siunnersuut 1A5-2, Tuapannguit, Nuuk

## **Punkt 05B: Kommunitut pilersaarummut tapiliusseq 1C16-2, Kissarneqqortuunnguaq, Nuuk inaarutaasumik akuersissutigineqarnera**

### **Beslutning**

Inassuteqaat akuersissutigineqarpoq.

### **Bilag**

Kommunitut pilersaarummut tapiliusseq 1C16-2 Kissarneqqortuunnguaq, Nuuk

## **Kommunimut pilersaarummut tapiliusseq 1C16-2, Kissarneqqortuunnguaq, Nuuk inaarutaasumik akuersissutigineqarnera**

Aalajangiiffigisassaq

J.nr: 16.03.01.01-P16-2-19

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Kommunimut pilersaarummut tapiliussami immikkuualuttoq qitiusoqarfimmut siunertanut atugassiissutigineqarpoq, tassani ataatsimut atuuffinnut, inissianut suliffeqarfinnut il.il. pilersitsinissaq periarfissiissutigineqarpoq. Pilersaarummi matumani sumiiffiup nalinginnaasumik atuuffissaa attatiinnarneqassaaq, taamaattorli immikkoortup ilaa 1C36 atuukkunnaassalluni aamma nunaminertaq immikkoortup ilaanut 1C16-imut ilanngunneqassaaq, tassanilu ataatsimut pilersaarusiornermut ilaalissalluni.

Immikkuualuttuni marlunni nutaanik sanaartornissamut periarfissiisoqassaaq, allallu pilersaarutaasimasunit immikkoortumut nuunneqassapput. Taamaaliornikkut Nuup qiterisaani naleqquttumik ineriartortitsinissaq immikkuualuttumit qulakkeerneqassaaq.

Suliaq Sanarfinermut Avatangiisinullu Ataatsimiititap apriliip 15-iani 2020-mi ataatsimiinnerani oqaluuserineqarpoq, ataatsimiititallu inassuteqaat akuersissutigaa suliarlu inaarutaasumik akuersissutigisassanngorlugu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ingerlateqqillugu.

### **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigissagaa:

- kommunimut pilersaarummut tapiliusseq 1C16-2, Kissarneqqortuunnguaq, Nuuk akuerineqassasoq
- suliaq inaarutaasumik akuerisassanngorlugu Kommunalbestyrelsimut ingerlateqqinneqassasoq

### **Suliassamik saqqummiussineq**

Kommunimut pilersaarummut tapiliussami immikkuualuttoq qitiusoqarfimmut siunertanut atugassiissutigineqarpoq, tassani ataatsimut atuuffinnut, inissianut suliffeqarfinnut il.il. pilersitsinissaq periarfissiissutigineqarpoq. Siunnersuummi matumani sumiiffiup nalinginnaasumik atuuffissaa attatiinnarneqassaaq, taamaattorli immikkoortup ilaa 1C36 atuukkunnaassalluni aamma nunaminertaq immikkoortup ilaanut 1C16-imut ilanngunneqassaaq, tassanilu ataatsimut pilersaarusiornermut ilaalissalluni.

Siunnersuummi immikkoortuq immikkuualuttunut tallimanut agguarneqarpoq, tassani immikkoortunut C & E-mut sukumiisumik aalajangersakkat nutaat nassuiaasersorneqarput. Immikkuualuttut A, B & D-nut tunngatillugu aalajangersakkat pioreersut atuuttut nuunneqarput, taamaaliornikkut immikkoortumut pilersaarummut ataatsimut ataatsimoortinneqarput.

Immikkuualuttog C: Pilersaarummut tapiliussami B-1198-ip toqqaviani nutarterinissamut periarfissanitsivoq (KNR-itoq), taamaalilluni sanaartorfissanut atugassiissummi quleriit 5-it tikillugit nutaanik sanaartorfissamik pilersitsisoqarsinnaavoq.

Immikkuualuttog E: Pilersaarummi ilaqutariinnut ataasiakkaanut illut pioreersut akornanni nutaanik sanaartorfissanik atugassiisoqarpoq, taamaalilluni alliliinissamut imaluunniit isaterinissamik nutaamillu sanaartornissamut periarfissaqalerluni. Taamaattorli, nuna apeqqutaatillugu, illup ataatsimut toqqavia 150 m<sup>2</sup>-it, quleriit 1 ½-it, naqqup-ilualu atorlugu, qaangersimassanngilaa. Immikkuualuttumi H.J. Rinksvej sinerlugu inuussutissarsiutinut illut akornanni sanaartorfissat nuunneqarput, tamannalu kommunimut pilersaarummut tapiliussami 1C12-4-mi akuerineqarput. Taamatuttaaq sanaartorfissani taakkunani quleriit 3-t tikillugit, illut pioreersut 3-t akornanni, alliliinissamut imaluunniit isaterinissamut nutaamillu sanaartornissamut periarfissiisoqarluni.

Pilersaarummut siunnersuummi aamma Børnehjemsvej Kisserneqqortuunnguullu akornanni aqqusernit atorunnaarsinneqarnissaat siunniunneqarpoq. Taamaaliornikkut aqqutit, pingaartumik pisuinnarnut sikkilinillu ingerlasunut immikkoortumiittunut timersortarfiliartartunut toqqissisimanarnerulissasoq nalilerneqarpoq. Saniatigut Børnehjemsveji sinerlugu najugaqartunut pitsaanerulissalluni, maannakkummi aqqusinermit ungasissusissamut piumasaqaatit naammassineqarsinnaanngimmata.

#### *Aaqqiissutissatut siunnersuut – suliatigut naliliineq*

Kommunimut pilersaarummut tapiliussami Nuup illoqarfiata qeqqani eqiterinissamut periarfissiivoq, saniatigullu illoqarfimmi sanaartukkat atorneqanngitsut nutaaliorfigineqarsinnaassallutik kiisalu illut pioreersut allilerneqarsinnaassapput piffissamut naleqquttunngortillugit.

Immikkoortumut periusissatut akuerineqarsimasunut pilersaarut naapertuuttoq ingerlatsivimmit nalilerneqarpoq, immikkoortumi sukisaarsaarfissanut assigiinngitsunut, ilaatigut ivigaaraasalimmik arsaattarfimmut, atugassiisoqarsimavoq. Kommunimut pilersaarummut tapiliussami sammisassaqaartitsiniutinut aqqusineqqap pilersinneqarnissaanut periarfissat attatiinneqarput, taamalu immikkoortumi timersortarfinnut pisuinnaat il.il. aqqutissaat qulakkeerneqarluni. Pilersaarummut tapiliussami illoqarfiup eqiterneqarnera nanginneqarpoq, maannakkut tamanna immikkuualuttuni eqqaaniittuni ingerlanneqarpoq, taamaalilluni inissianik nutaanik sanaartornissamut periarfissaqalerpoq.

#### *Aningaasatigut sulisoqarnikkullu naliliinerit*

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq. Qanittuanilu ineriartortitsinissamut pilersaarutinik arlalinnik peqalereerpoq, taamaattorli aqquserngit annertuumik ingerlaffigineqarnerminni tunuleriaattoqartarnissaa naatsorsuutigineqarsinnaavoq.

#### *Inatsisitigut tunngavissaq allakkallu tunngaviusumik uppersaatitallit*

- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq aamma
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq [www.sermersooq2028.gl](http://www.sermersooq2028.gl)

### *Ingerlariaqqinnissaq*

Pilersaarummut tapiliussaq inaarutaasumik akuerineqareerpat atuuttussatut nalunaarutigineqassaaq aamma kommunimut pilersaarummi tamanut saqqummiunneqassaaq.

### **Aningaasaqarnermut Allatseqarfimmit oqaaseqaatit**

Soqanngilaq

### **Innuttaasunik peqataatitsineq/attaveqaqatigiinneq**

Kommunimut pilersaarummut tapiliussaq sapaatip-akunnerini 8-ni tamanut tusarniaassutigineqareerpoq, tassungalu atatillugu tusarniaanermut akissutinik pissarsisoqanngilaq. Tusarniaaneq Nuuk Ugeavisikkut kiisalu kommunip tusarniaassutinut nittartagaatigut nalunaarutigineqarput.

Kommunimut pilersaarut atuuttutut nalunaarutigineqareerpat kommunimut pilersaarummi tamanut saqqummiunneqassaaq.

### **Ingerlatsivinnit allaniit oqaaseqaatigineqartut**

Soqanngilaq

### **Siusinnerusukkut aalajangernerit:**

*Sanarfinermut Avatangiisinullu Ataatsimiititap apriliip 15-iani 2020-mi aalajangenera:*  
Inassuteqaat akuersissutigineqarpoq.

### **Ilanngussaq**

1. Kommunimut pilersaarummut tapiliussaq 1C16-2 Kissarneqqortuunnguaq, Nuuk

## **Punkt 05C: Utoqqaat pillugit Siunnersuisooqatigiit sulinerat pillugu ataavartumik ilisimatitsissuteqarneq**

### **Beslutning**

Inassuteqaat akuersissutigineqarpoq.

### **Bilag**

Utoqqaat pillugit Siunnersuisooqatigiit 28. aggusti 2019-imi ataatsimiinneranit imaqarniliaq.

Utoqqaat pillugit Siunnersuisooqatigiit 27. novembari 2019-imi ataatsimiinneranit imaqarniliaq.

## **Utoqqaat pillugit Siunnersuisooqatigiit sulinerat pillugu ataavartumik ilisimatitsissuteqarneq**

Ilisimatitsissut

J.nr.: EMN-2020-02434

Suliffeqarnermut Isumaginninnermullu Ingerlatsivik – Pisortaq Isak Nielsen Kleist / ISNK

### **Suliassamik eqikkaaneq**

Kommuneqarfik Sermersuumi Utoqqaat pillugit Siunnersuisooqatigiit sisamassaanik tallimassaanillu ataatsimiipput 28. aggusti aamma 27. novembari 2019. Ataatsimiinnermi aalajangersimasumik sisamanik oqaluuserisassaqaartarput:

- Ilisimatitseqatigiinneq
- Ataatsimiinnermit kingullermit malitseqartitsineq
- Utoqqarnik susassaqaarfimmi naatsorsoqqissaakkat
- Utoqqaat noorarnerat

Taakku saniatigut Suliffeqarnermut Isumaginninnermullu Ataatsimiititamik pilersaarutaasumik ukiumoortumik ataatsimiinnissamut pilersaarusiorneq pillugu oqaluuserisassaqaarpoq.

Suliaq Suliffeqarnermut Isumaginninnermullu Ataatsimiititami suliarineqarpoq, ulloq maarsip 17-iani 2020-mi, ataatsimiititap innersuussut akuersissutigaa suliarlu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqillugu.

### **Inassuteqaat**

Suliffeqarnermut Isumaginninnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

### **Suliamik saqqummiussineq**

Kommuneqarfik Sermersuumi Utoqqaat pillugit Siunnersuisooqatigiit sisamassaanik tallimassaanillu ataatsimiipput 28. aggusti aamma 27. novembari 2019. Ataatsimiinnermi aalajangersimasumik sisamanik oqaluuserisassaqaartarput:

- Ilisimatitseqatigiinneq
- Ataatsimiinnermit kingullermit malitseqartitsineq
- Utoqqarnut tunngasuni susassaqaarfimmi naatsorsoqqissaakkat
- Utoqqaat noorarnerat

Kingullermik ataatsimiinnermit malitseqartitsineri immikkoortut killiffissiorneqarneri:

- Utoqqalinersialinnut pensionisiat pillugit
- Aningaasat nammineq atorsinnaasat najoqqutassaannik iluarsiineq
- Utoqqarnut paasissutissanik suliarinninneq
- Utoqqaat pillugit Siunnersuisooqatigiit tamanut ataatsimiititsinerat ulloq 4. septembari 2019.
- Utoqqaat pillugit Siunnersuisooqatigiit Suliffeqarnermut Isumaginninnermullu Ataatsimiititamik ulloq 17. septembari 2019-imi ataatsimeeqateqarnerat
- Utoqqaat peqatigiiffianni ilaasortat ornittagaat Blok 10-miittoq.
- Utoqqaat ornittagassaannik pilersinnissaanut Utoqqaat pillugit Siunnersuisooqatigiit Suliffeqarnermut Isumaginninnermullu Ataatsimiititamut innersuussinerat.
- Utoqqaat Danmarkimut nuuttartut amerlanerujussuat ilisimatuutut misissuiffigineqarnissaat Utoqqaat Siunnersuisooqatigiivinit kissaatigineqarpoq.

- Utoqqaat pillugit Siunnersuisooqatigiit "Utoqqaat inuiaqatigiinnut aningaasartuutaannaasumik" oqaatigineqartarnerat pillugu ersarissaasoqarnissaanik kissaateqarput.
- Utoqqaat/peqatigiiffiit nunanut allanut angalanissaminnut tapiiffigineqarsinnaanersut Utoqqaat pillugit Siunnersuisooqatigiinnit misissoqquneqarpoq.
- Qinigaaffik 2017-2021-imi illoqarfiit tamarmik tikillugit utoqqarnik ataatsimeeqateqarnissaq Utoqqaat pillugit Siunnersuisooqatigiit kissaatigaat.

Ukiarmi ulloq 19 septembari 2019 Ataatsimiititaq suleqatigalugu inuit apeqqutissaaleqinngitsut 120-at aqqissuussinermi peqataaffigisaannut katersortarfimmi tamanut ammasumik ataatsimiititsineq Utoqqaat pillugit Siunnersuisooqatigiit suliaasa pingaarnersaraat.

#### *Aaqqiissutissatut siunnersuut – suliatigut naliliineq*

Utoqqaat pillugit Siunnersuisooqatigiit siunnersuisooqatigiinni sulinerminni pimoorussilluinnarlutik sulipput, ataavartumillu Suliffeqarnermut Isumaginninnermullu Ingerlatsivimmuut oqaloqatigiinnerit ingerlapput. Utoqqaat pillugit Siunnersuisooqatigiit ataavartumik pilersaarutiminnik, isummersuutinik kissaatiminnillu saqqummiisarnerat utoqqaat pillugit atugarisaannut politikikkut pitsaasumik aalajangiiniarnermillu iluaqutaasinnaapput.

*Aningaasatigut sulisoqarnikkullu naliliinerit*  
Soqanngilaq.

#### *Inatsisitigut tunngavissaq allakkallu tunngaviusumik uppersaatitallit*

- Kommuneqarfik Sermersuumi Utoqqaat pillugit Siunnersuisooqatigiit ileqqoreqqusaat.
- Utoqqaat pillugit Siunnersuisooqatigiivisa suleriaasissaat.

#### *Ingerlariaqqinnissaq*

Ingerlatsiviup Utoqqaat pillugit Siunnersuisooqatigiit sulinerat pillugu Ataatsimiititamut ataavartumik ilisimatitsissutigisassavaat. Taassuma saniatigut Utoqqaat pillugit Siunnersuisooqatigiivisa ataatsimiinneranni imaqaarniliat kommunip nittartagaani takuneqarsinnaapput.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqarsimanngilaq.

#### **Innuttaasunik peqataatitsineq/attaveqatigiinneq**

Soqanngilaq.

#### **Ingerlatsivinnit allaniit oqaaseqaatigineqartut**

Soqanngilaq.

#### **Siusinnerusukkut aalajangernerit:**

*Suliffeqarnermut Isumaginninnermullu Ataatsimiititap aalajangernerit maarsip 17-iani 2020-meersoq:*

Inassuteqaat akuersissutigineqarpoq.

#### **Ilanngussat**

1. Utoqqaat pillugit Siunnersuisooqatigiit 28. aggusti 2019-imi ataatsimiinneranit imaqaarniliaq.
2. Utoqqaat pillugit Siunnersuisooqatigiit 27. novembari 2019-imi ataatsimiinneranit imaqaarniliaq.

## **Punkt 05D: Innarluutillit pillugit siunnersuisooqatigiit sulinerat pillugu ilisimatitsissut**

### **Beslutning**

Inassuteqaat akuersissutigineqarpoq.

### **Bilag**

Imaqarniliaq – Inuit innarluutillit pillugit siunnersuisooqatigiinni ataatsimiinnerit tallimassaasut ulloq 28. nov 19

## **Innarluutillit pillugit siunnersuisooqatigiit sulinerat pillugu ilisimatitsissut**

Ataatsimiinnermi ulloq 28. novembari 2019

Ilisimatitsissut

J.nr.: EMN-2020-01021

Suliffeqarnermut Isumaginninnermullu Ingerlatsivik – Pisortaq Isak Nielsen Kleist / ISNK

### **Suliassamik eqikkaaneq**

Ataatsimiinnermi 28. novembari 2019-imi imaqarniliaq Kommuneqarfik Sermersuumi Inuit innarluutillit pillugit siunnersuisooqatigiinnit akuersissutigineqarpoq. Ataatsimiinnermi sulinikkut isertitassaraluanik annaasanik pissarsisinnaanermut periarfissat aamma suliamut attuumassuteqartumik pikkorissarnernut aningaasartuutit matussusersornissaannut periarfissat eqqartorneqarnissaat siunnersuisooqatigiinnit kissaatigineqarpoq. Inuit innarluutillit illersuisoqarnerat ukkatarineqarportaaq. Qanoq illersuisussarsiortoqarsinnaanersoq aamma aaqqiissutip qanoq aaqqissuunnissaa pillugit ingerlatsivik siunnersortikkusuppoq.

Inuit Innarluutillit pillugit Siunnersuisooqatigiit ingerlatsivinnut suleqataapput pitsaalluinnartumik, ajornartorsiutaasinnaasunullu assigiinngitsunut aaqqiissutaasinnaasunik naleqquttunik ujartuinerikkut ukkassisarput.

Suliaq Suliffeqarnermut Isumaginninnermullu Ataatsimiititami suliarineqarpoq, ulloq maarsip 17-iani 2020-mi, ataatsimiititap innersuussut akuersissutigaa suliarlu Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut ilisimatitsissutitut ingerlateqqillugu.

### **Inassuteqaat**

Suliffeqarnermut Isumaginninnermullu Ataatsimiititap Aningaasaqarnermut Inuussutissarsiornermullu Ataatsimiititamat inassutigaa:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

### **Suliassamik saqqummiussineq**

Kommuneqarfik Sermersuumi Inuit innarluutillit pillugit Siunnersuisooqatigiit kingullermik ilisimatitsissuteqarnerup kingorna 28. novembari 2019-imi ataatsimiinnerminnit imaqarniliat akuersissutigaat.

#### Inmikkoortut pingaarnerit tassaapput:

Inunnut innarluutilinnut illersuisoqartarnissaanik aaqqiineq

- Illersuisussarsiornermut ingerlatsivik siunnersorneqarusuppoq. Aamma illersuisoqarnermut aaqqiissut qanoq aaqqissuunneqarsinnaanersoq eqqartorneqarpoq.

Inuit innarluutillit pillugit siunnersuisooqatigiit suliaat imaannaanngitsuupput. Taamaattumik Inuit innarluutillit pillugit siunnersuisooqatigiinnit periarfissat eqqartorneqarusuttut tassaapput:

- sulineri annaasanik pissarsiat matussuserneqarnissaat
- suliamut attuumassuteqartunik pikkorissarni (assigisaanilu) aningaasartuutit matussuserneqarnissaat.

Inuit innarluutillit pillugit Siunnersuisooqatigiit makku ilaatigut aamma oqaluuseraat:

Inuit innarluutillit pillugit inatsit tunngavigalugu assigiimmik kiffartuussineq qulakkiissallugu

- Missiliuisarneq sullissinermi suliap ilagaa annertoq (pissutigalugu nappaatinik suussusersinissamut piumasaqaat inatsimmi atuussimasumit peerneqarmat).
- Suliat missiliunneqartut Oqartussaasoqarfiit Assigiinngitsunik Suliallit Suleqatigiiffiannut ajornartorsiutinik iluarsiinissamut Suliffeqarnermut Isumaginninnermullu Ingerlatsivik nalileeqqusisarpaq.

#### Nassuiaasiornissamut suliat

- Inuit innarluutillit inatsisaat naapertorlugu tapersersorneqalernissamut nakorsat nassuiaasiornissaat piumasaqaataajunnaarnikuvoq. Taamaattoq innuttaasup eqqortumik tapersersorneqalernissaa qulakkeerniarlugu nakorsanik oqaloqateqartarnek kommunimit anguniarneqartuassaaq.

#### Suliaqarfiit akornanni ilisimasanik avisseqatigiittarneq

- Innuttaasoq pillugu paasissutissanik ingerlatsiviit attuumassuteqartut akornanni avitseqatigiissutigineqartarnissaat periarfissaasoq pingaarutilik Inuit innarluutillit pillugit siunnersuisooqatigiinnit erseqqissaatigineqarpoq.

#### Siusissukkut iliuseqarneq

- Inuit innarluutillit pillugit siunnersuisooqatigiit ernumassutaat arlaqartut inunnik nukissaqarluartunut tunngasumik aallaaveqarput. Taamaattumik inuit innarluutillit sanngiitsutut inissisimasut kommunimit ukkatarineqarnissaat oqaluuserissallugu pingaaruteqartuvoq.

#### Ingerlatsiviit Inuit innarluutillit pillugit siunnersuisooqatigiinnut innersuussutaat

- Inuit innarluutillit pillugit siunnersuisooqatigiit pitsaaqutigivaat Kommunalbestyrelsimut innersuussuteqarsinnaallutillu isumassarsianik saqqummiisinaammata.

#### *Aaqqiissutissatut siunnersuut – suliatigut naliliineq*

Inuit innarluutillit pillugit Siunnersuisooqatigiit suliaat assigiinngitsorparujussuupput. Taamaasilluni Inuit innarluutillit pillugit Siunnersuisooqatigiinnit suliniutin, isumassarsiat kissaatigineqartullu pillugit ataavartumik paasissutissiisarnerit politikikkukut aalajangiinernut arlalinnut iluaqutissartaqarluartut tapertaliunneqarsinnaapput.

#### *Aningaasatigut sulisoqarnikkullu naliliinerit*

Soqanngilaq.

#### *Inatsisitigut tunngavissaq allakkallu tunngaviusumik uppemarsaatitallit*

- o Kommuneqarfik Sermersuumi Inuit innarluutillit pillugit Siunnersuisooqatigiinni ileqqoreqqusat

#### *Ingerlariaqqinnissaq*

Ingerlatsivik siunissami Inuit innarluutillit pillugit Siunnersuisooqatigiit suliaat pillugit ataavartumik ataatsimiititamut ilisimatitsissuteqartassaaq. Tamatuma saniatigut Inuit innarluutillit pillugit Siunnersuisooqatigiit ataatsimiinnerannit imaqarniliaq kommunip nittartagaani atuarneqarsinnaavoq.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqanngilaq.

#### **Innuttaasunik peqataatitsineq/attaveqatigiinneq**

Soqanngilaq.

**Ingerlatsivinnit allaniit oqaaseqaatigineqartut**  
Soqanngilaq.

**Siusinnerusukkut aalajangernerit:**

*Suliffeqarnermut Isumaginninnermullu Ataatsimiititap aalajangernerera maarsip 17-iani 2020-mi-meersoq:*

Inassuteqaat akuersissutigineqarpoq.

**Ilanngussat**

1. Imaqarniliaq – Inuit innarluutillit pillugit siunnersuisooqatigiinni ataatsimiinnerit tallimassaatt ulloq 28. novembari 2019

## **Punkt 05E: 2020-mi Suliat allaaserineqarneri**

### **Beslutning**

Inassuteqaat akuersissutigineqarpoq.

### **Bilag**

2020-mi Suliat allaaserineqarneri

## 2020-mi Suliat allaaserineqarneri

Aalajangiiffigisassaq

J.nr.: EMN-2020-01027

Suliffeqarnermut Isumaginninnermullu Ingerlatsivik – Pisortaq Isak Nielsen Kleist / ISNK

### **Suliassamik eqikkaaneq**

Suliat allaaserineqarneri ukiut tamaasa nutarterneqartassapput politikkikkullu akuerineqarlutik. Suliat allaaserineqarnerisa ukiumut ataasiarlugit nutarterneqarnerini neqeroorutaasutut allaaserisat neqeroorutitut eqquunnersut aamma politikkikkut anguniakkanut naapertuuttuunersut qulakkeerneqartartussaapput.

Uani ilanngussat anginerit ilaatigut tassaapput, innarluutilinnik suliassaqarfimmi aningaasaliissutit innarluutillit pillugit inatsit nutaaq naapertorlugu naleqqussagaanerit. Suliffeqarnermi tunngasuni immikkoortoq ataaseq ilanngunneqarpoq tassaasoq pikkorissaaneq ilitsersuinerlu, kommunillu neqeroorutai inissiat immikkoortukkuutaat Oqartussaaffeqarfiup ataani allaaserineqarput.

Suliaq Suliffeqarnermut Isumaginninnermullu Ataatsimiititami ulloq maarsiip 17-iani 2020-mi suliarineqarpoq, ataatsimiititap inassuteqaat akuersissutigaa, suliarlu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuersissutigineqarnissaanut ingerlateqqillugu.

### **Inassuteqaat**

Suliffeqarnermut Isumaginninnermullu Ataatsimiititap Aningaasaqarnermut Inuussutissarsiornermullu Ataatsimiititamut inassutigaa:

- 2020-mi Suliat allaaserineqarnerat akuerineqassasut
- suliaq aalajangiiffigisassatut Kommunalbestyrelsimut ingerlateqqinneqassasoq

### **Suliassamik saqqummiussineq**

Suliat allaaserineqarneri tassaapput Isumaginninnermut Suliffeqarnermullu Ingerlatsivimmi innuttaasunut neqeroorutit innersuussutigineqarnerisa ataatsimut takussutissartai. Ingerlatsivimmit innuttaasunut sunik neqerooruteqartoqarnerisat ersarissumik sulisunut innuttaasunullu ersarissunngorlugit pigineqassasut suliat allaaserineqarnerisa siunertarivaat. Assigiissumik kiffartuussinermik ersarissuunermillu qulakkeerinntuussapput.

### ***Aaqqiissutissatut siunnersuut – suliaticigut naliliineq***

2019-imi suliat allaaserineqarnerit ilanngussaartoqarpoq. Tulliuttuni aaqqiissutit pingaarnerit allaaserineqarput.

Ataatsimut isigalugu

- Suliat allaaserineqarneri ingerlatsivimmi neqeroorutigineqartunut eqquutsinneqarniassammata naleqqussarneqarsimapput.

Innarluutilinnut tarnikkut nappaatilinnullu Immikkoortortaqaarfik

- Pisartakkat pillugit inatsisitigut tunngavissaq nutarterneqarpoq.
- Innersuussutit uunga ”annertuumik innarluuteqarneq” allanngortinneqarpoq, annertuumik peerneqarpoq. Annertuumik tassaagami siusinnerusukkat suliassaqarfimmi inatsimmeersoq.

Utoqqarnut suliassaqqarfik

- Pisartakkat pillugit inatsisitigut tunngavissaq nutarterneqqarpoq.

Suliffeqqarnermut tunngasut

- Uani immikkoortoq pikkorissaaneq ilitersuinerlu pillugit ilanngunneqqarpoq.

Oqartussaaffeqarfik.

- Inissiat immikkoortukkuutaat pillugit neqeroorut maanna suliat allaaserineqqarnerini atuarneqqarsinnaavoq.
- Unnuiarfimmik inissiat immikkoortukkuutaallu pillugit ingerlatsineq maanna namminersortumut (Tarraq A/S) isumagisassanngortinneqqarput.

Suliat allaaserineqqarnerat politikkikkut sakkuuvoq kiffartuussinermik ersarissunngortitsisoq qulakkeerisuusorlu. Kiffartuussinerup politikkikkut akuerisaasup innuttaasut ilimagisaannut naleqqussarneqqarnera napertuuppoq

Suliat allaaserineqqarneri assigiissarneqqaraluartut illoqqarfinni sumiiffinnilu assigiinngitsuni ilinniarsimasunik atorfinitsitsiniarnerup ajornakusoornera peqqutigalugu assigiinngitsuunissaat ingerlatsivimmit qularutigineqqanngilaq. Piumasaqaataasut sapinngisamik pitsaanerpaamik naapertuutsinniarlugit suliat allaaserineqqarneri pillugit ilinniartitsinissaq immikkut iliuseqqarfigineqqassaaq.

*Aningaasatigut sulisoqqarnikkullu naliliinerit*  
Soqqanngilaq.

*Inatsisitigut tunngavissaq allakkallu tunngaviusumik uppersaatitalit*  
Sulissat allaaserineqqarneri inatsisinik atuuttunik aallaaveqqarput. Kiffartuussinerni ataasiakkaani inatsit atuuttoq tunngavigneqqartoq allassimavoq.

*Ingerlariaqqinnissaq*

Allannguutit akuersissutigineqqassappata allaaserineqqarnerit iluarsisat malillugit ingerlatsiviup suliffeqqarfii sulissapput. Suliat allaaserineqqarnerisa kommunip suliffeqqarfiinut ingerlateqqinneqqarnerisa saniatigut kommunip nittartagaanut ikkunneqqassapput.

**Aningaasaqqarnermut Allatseqarfimmit oqaaseqaatit**

Aningaasaqqarnermut Allatseqarfimmit oqaaseqqartitsisoqqarsimanngilaq.

**Innuttaasunik peqataatitsineq**

Soqqanngilaq.

**Ingerlatsivinnit allaniit oqaaseqaatigineqqartut**

Soqqanngilaq.

**Siusinnerusukkut aalajangerit:**

*Suliffeqqarnermut Isumaginninnermullu Ataatsimiititap maarsiip 17-iani 2020-meersoq:*  
Inassuteqaat akuersissutigineqqarpoq.

**Ilanngussat**

1. 2020-mi Suliat allaaserineqqarneri

## **Punkt 05F: Covid-19 pillugu ilisimatitsissut**

### **Beslutning**

Inassuteqaat akuersissutigineqarpoq.

## COVID-19 pillugu ilisimatitsissut

Ilisimatitsissut

J.nr.: 00.00.00-A00-8-20

Suliffeqarfimmut Kiffartuussivik – Kommunaldirektøri Lars Møller Sørensen / LMS

### Suliassamik eqikkaaneq

Coronamik nalaataqarnerup kingunerisaanik kommune assigiinngitsunik arlalinnik suliniutinik aallartitsivoq. Nunarsuarmi sumiiffinni arlalinni soorlu takusimasatsitut inuiaqatigiit ilungersunartorsiorput, suliniutillu taakku tamarmik tamakkununga illersuutaassapput. Coronamik nalaataqarnermut Kommuneqarfik Sermersuup illersuiniarluni suliniutaasa ilaat, tamakkiisuunngikkaluartumik, matumani ilisimatitsissummi nassuiaatigineqassapput.

### Inassuteqaat

Suliffeqarfimmut Kiffartuussiviup Aningaasaqarnermut Inuusutissarsiornermullu Ataatsimiititamut inassuteqaatigaa:

- Ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

### Suliassamik saqqummiussineq

Covid-19 pillugu immikkuullarilluinnartumik inissisimaneq pillugu Kommuneqarfik Sermersooq assigiinngitsunik suliniuteqarpoq.

Taamatut inissisimatilluni kommunip aaqqissuussaananerata inuiaqatigiinnut tunngaviusumik kiffartuussinermik ingerlatsiinnarnissaa pingaaruteqarluinnarpoq. COVID-19-ip tuniluunna killilersimaarniarlugu sapaatip-akunnerisa kingulliit suliniutaasimasut innuttaasorpasuit inuunerannut allannguuteqartitsisimapput. Piffissami taama inissisimatillugu kommune inuiaqatigiinni patajaatumik inissisimasuusussaavoq. Taamatut inissisimanermi inuiaqatigiit isumannaatsuutinnissaat toqqissisimatinnissaallu pillugit, inuiaqatigiit unittoortinngikkaluarlugit, kommune assigiinngitsunik suliniuteqarpoq.

### *Aaqqiissutissatut siunnersuut – suliatigut naliliineq*

Taakkuinnaanngikkaluarlutik, taakku ilagaat:

Angerlarsimaffeqanngitsunut tupeqarfik:

Nappaatip siaruaannissaa pinaveersaartinniarlugu Nuummilu angerlarsimaffeqanngitsut naleqquttumik pineqarnissaat pillugu kommune 80-inik inoqarsinnaasunik tupeqarfiliiorpoq. Toqqit taamaattut aatsitassasiortunit misissuinerimi inuttat ineqarfiattut atorneqartarput.

Unammillernartumut naleqquttumik sukkasuumillu aaqqiinissaq kommunimi pisortaqatigiinnit assut pingaartinneqarsimavoq.

Qimarnguiit:

Nuup matuneqarnera illoqarfimmi qimarnguimmut ilungersuatitsilerneranik kinguneqarpoq, taamaattoqarneralu allani aamma taamaaratarsinnaavoq. Nuummi qimarnguik illumik ataatsimik Namminersorlutik Oqartussanit atukkiunneqartumik ilaneqarpoq. Innuttaasup qimarnguimmukartup inissisimanera mianerisassaavoq, pingaaruteqarluinnarporlu kommune innuttaasunut taamatut inissisimasunut suliamik kivitsisinaanissaa.

Atuarfiit meeqperiviillu:

Piffissaq kingulleq nuna tamakkerlugu atuarfiit matoqqapput, Nuummilu meeqqeriviit aamma matoqqapput. Ajornartoortoqartillugu upalungaarsimanermut allannguinnissamut suliaq imaannaasimanngilaq, sulisullu arlallit allanngueqataasariaqarsimallutik. Ataatsimulli isigalugu ajornartoortoqartillugu upalungaarsimanermut allanngueq iluatsilluartut nalilerneqarpoq, unammillernarsinnaasullu isumagineqarsinnaasimallutik. Aallartinneraniilli kommunimi pisortaqatigiit pingaartilluinnarsimavaat ajornartoortoqartillugu upalungaarsimanermi kikkulluunniit meeqqamik aggiussisut itigartinneqanngilluinnarnissaat. Sulisut ataasiakkaat angajoqqaanut oqartussatut inissinnissaannut illersorniarlugit taamaaliortoqarpoq, pingaarnepaavorli tamanit meeraq kinaluunniit sumiinnissaminik nalornissuteqannginnissaa kikkullu inersimasut paarissaneraat nalornissutigissanngilaa. Tamanna aamma pissutigalugu ulluinnarni atuarfimmi nerisaqartitsisarneq atuutiinnarneqarpoq, tassa atuartut atuaraluarpataluunniit atuannikkaluarpataluunniit nerisassanik aallersinnaasussaapput. Nassuerutigisariaqarparput meeqqanut arlalinnut atuarfimmi nerisassat pingaarnepaasartut. Coronamik nalaataqarneq ajornerusumik inissisimalersitsissanngilaq.

Aalakoornartoq:

Nunatsinni kommunit allat peqatigalugit Sermersooq Naalakkersuisunut apeqquteqarpoq imigassap tunisaanera unitsikkallarneqarnissaa eqqarsaatigineqarsinnaanersoq. Tamatumanita nalaataqarnerup nalaani meeqqat isumagineqarnissaat pingaarnertut tunngavigineqarpoq. Tamanna pillugu Kommuneqarfik Sermersooq kommunitut, aalakoornartumik pisisinnaatitaanermiit, meeqqat ajornartorsiutinik nalaataqartut isumaginissaat salliunniallugit aalajangerpoq. Inerteqqut atuukkallartinneqarpoq.

Akiligassanik siusinnerusukkut akiliisarneq:

Illoqarfimmi inuussutissarsiortut piffissami matumani ilungersunartorsiorput, aamma kialuunniit taamatut nalaataqarneq siumut takorloorsimasinnaanngilaa. Soorunami ullunut ajornertut aningaasanik ileqqaarissarnissaq pitsaanerpaajuannarpoq, kisiannili kialuunniit taama nalaataqarnissaq taamalu aningaasaqarnikkut ingerlanerliulernissaq takorloorsimavaa. Taamaattumik kommunip suliffeqarfinnut minnernut soorlu sanasunut, illoqarfimmi entreprenørinut, illoqarfimmi pisiortortarfinnut assigisaannullu akiliinissaq siuartissimavaa. Imaanngilaq taamaaliorneq kikkunnik tamanik aniguititsissasoq, illoqarfimmili suliffeqarfinnut amerlanngitsunut iluaqutaasinnaappat imminut akilersinnaasasoq pisortaqatigiinnit nalilerneqarpoq. Nalaataqarnerup kingorna piffissamut aggersumut piareersarnissamut tunngassuteqarpoq, sapinngisamillu kommunip innuttaasuinut inuussutissarsiortuinillu pitsaanerpaamik kinguneqarnissaa pingaaruteqarpoq.

Ikorsiissutit pillugit sullinneqarnissamut ikiuineq:

Nalaataqarnerup kingorna pisariaqanngitsumik ilungersortoqannginnissaa pillugu Naalakkersuisut ikorsiissutai pingaaruteqarluinnarput. Ikorsiissutit illugit qinnuteqaatinik sullissinernut taakkununga aalajangersimasunut tunngatillugu kommune Greenland Businessimut sulisunik marlunnik atugassiissuteqarpoq. Ikorsiissutit taakku eqqortunut tunniunneqarnissaannut illoqarfimmik ilisimaarinnittut pingaaruteqarput.

Inuussutissarsiuteqartunut webinar (internetikkut isumasioqatigiinneq:

Allassimareersutut illoqarfimmi inuussutissarsiortuutigit aningaasaqarnitta attatiinnarnissaanut pingaaruteqarluinnarput. Nalaataqarnitsinni kommunip inuussutissarsiornermut immikkoortortaqarfiata tassunga tunngatillugu kiffartuussinini qasusuilluni ingerlatiinnarpaa. Ilaatigut sapaatip-akunneri tamaasa inuussutissarsiortut ilaannut assigiinngitsunik internetikkut isumasioqatigiissitsisoqartarpoq.

Utoqqaat illuat:

Piffissami matumani inuit sanngiinnerpaat ilagaat innuttaaqatigut utoqqaat.

Taakkunungaqqissaq COVID-19 toqumik kinguneqarsinnaalluarpoq. Taamaattumillu

taakkununga pineqartunut suliniutissat aallartinnissat pingaarluinnarsimavoq. Suliniutit ilaat taaneqarsinnaasut tassaavoq pulaartoqarnissamut annertuumik killilersuineq. Utoqqarnut qanigisaminnut maqaasisunut pakatsisitsinninnissaq nikallunganissarlu pinaveersaartinniarlugu utoqqarnut internetikkut "pulaarneq" periarfissiissutigineqarpoq.

Aputaajaaneq:

Upalungaarsimanermi pingaaruteqartut, puigorneqartartulli, ilagaat aputaajaasarneq. Aputaajaasoqarsinnaanngikkuni nakorsat, peqqissaasut, politiit qatserisartullu suliarforsinnaanngillat. Taamaattumik nalaataqarnermi aputaajaasarnerup qulakkeernissaa pingaaruteqarsimavoq. Ilaatigut inuttat marlungortinneratigut tamanna pisimavoq, taamaalilluni tunillatsittoqassagaluarpas inuttat akornanni tamarmik imminnut attaveqarsinnaannginniassammata. Taamaalilluni tunillatsittoqarsimatillugu affaannaat angerlartinneqarnissat qulakkeerneqarpoq.

Ajornartoortoqartillugu upalungaarsimaneq pillugu:

Immikkoortuni taaneqartuni arlalinni immikkut ittumik suliniuterpasuit saniatigut kommunip maanna ajornartoortoqartillugu upalungaarsimaneq ingerlappaa. Tassa imaappoq, suna tamaat eqqarsaatigalugu kommune allatut sulivoq, sulinikinnerunngilarli. Nappaatip siaruaannera annikillisinniarlugu allatut sulisoqarpoq, sapinngisamilli atuuffinni arlalippasuarini naammassiortuineq ingerlatiinnarniarneqarpoq. Assersuutitut taaneqarsinnaasut ilagaat suli meeqqanut tunngasunik nalunaarutiginninnerit sularineqartarput, sulilu nunaminertanik atugassiisoqartarluni. Piffissami matumani sapinngisamik inuit ikinnerpaat inuttut aningaasaqarnikkullu ajornartorsiuteqalernissat pillugu tamakku tamarmik sularineqartarput.

Corona.gl attaveqaaqatigiinnermullu suliniutit allat:

Taamatut nalaataqarnermi attaveqaaqatigiinneq pingaaruteqarluinnarpoq, unammillernarsinnaallunili. Inuiaqatigiit ullualunnguit ingerlaneranni uummaarissumik uninngisaannartumillu inuuneqarnermiit inuunermut matoqqasumut mattusimasumullu allanngortinneqaraangata paatsuuinernik eqqunngitsunillu paasissutissiisarnernik kinguneqartuaannarpoq. Kommunip attaveqaaqatigiinnermut immikkoortortaqaarfiata sapinngisamik pitsaanerpaamik innuttaasunut paasititsiniaanissaq assut sulissutigisimavaa. Assersuutitut suliniutit ilaat taaneqarsinnaasut ilagaat nittartagaq corona.gl, borgmesterip ataavartumik videokkut saqqummersitsisarnera, tusagassiuutini pitsaasumik paasissutissiisarneq, erinarsuut "eqitaqqikutsooqqikkumaarpugut", inuit attaveqaaqatigiittarfiini kulturimut tunngasut saqqummiussat, kommunit allat peqatigalugit ataqatigiissakkamik tusagassiuutitut nalunaaruteqartarnerit. Pisumi ilungersunartumi kommune innuttaasunut kiffartuussisutut uppernarluinnartumik ingerlatsinissaa pingaaruteqarluinnarpoq. Tamanna pillugu paasissutissat ilumuussusaat paasiniarnerannut paasinaqqittarnerannullumi piffissangaatsiaq atorineqartarpoq, taamaalilluni kommunip paasissutissiivii paasissutissanik eqqunngitsunik tunioraanissaa pinaveersaartinneqartarpoq.

Suliffinnik allattorsimaffik:

Nappaalasoqalissagaluarpas kommune piareersimaniassammatt suliniuterpasuit aallartinneqarput. Taakkunani suliniutit ilagaat kommunimi suliffinnik allattorsimaffik. Tassani suliffinnik allattorsimaffimmi sulisut piareersimasut piginnaasaallu tamarmik allattorsimapput. Inuppassuit atorfeqarnerminni suliffeqarfippasuit aqqusaartarpaat. Taamaalilluni ullumikkut politeeq ataaseq Sulisoqarnermi Immikkoortortami siunnersortaavoq, peqqissaasoq ataaseq ineriartortitsinermut tunngasunik suliqaartuuvooq assersuutigaluguluunniit kontorfuldmægtigi ataaseq biilnut angisuunut allagartaqarpoq. Paasissutissat taakku tamarmik katersorneqareerput iluaqtigineqarluarsinnaallutillu. Nappaalasoqalissagaluarpas piffissamilu aalajangersimasumi sulisorpassuit napparsimalissagaluarpata inuit atorfinnut pingaarutilinnut nuunneqarsinnaassapput,

taamaalilluni utoqqartagut paarineqarnerat ingerlatiinnarneqassaaq, suli aputaajaasoqartassaaq, suli akissarsiaqartoqartassaaq kiisalu meerartagut suli paarineqartassapput.

**Namminersorlutik Oqartussallu ataqatigiissaarineq:**

Taamatut nalaataqarnermi oqaloqatigiittarfiit pingaarutillit pingasut pilersinneqarput, taakkunani Kalaallit Nunaanni periusissianik pilersitsisoqartassaaq Naalakkersuisullu siulittaasuanut innersuussutigineqartarlutik. Taakkuupput Tunillaassortunik Nappaalanersuaqarneranut Ataatsimiititaliarsuaq, Corona pillugu Periusissiorlut (Den strategiske coronastab) aamma Corona pillugu Allatseqarfik Oqaloqatigiittarfinni taakkunani Kommuneqarfik Sermersooq kommuninut sinnerinut sinniisutut ilaapput, tassanilu aqutsisutut atorfilittat sinniisuupput. Coronamik nalaataqarnermi Nunarput qaangiilluartinniarlugu periusissiornermi kommunit tungaanniit sunniuteqaqataasinnaaneq isummanillu tunioraasinnaaneq pinngitsoortinneqarsinnaanngilaq. Oqaloqatiginnittarfinni taakkunani kommune oqaluserisassanik pingaaruteqartunik saqqummiussivoq, soorlu meeqqat atugarissaarnissaannut isumaginninneq, aalisakkanik nioqqutissiornermi najoqqutassat, innuttaasunik attaveqaqateqartarneq allarpassuillu. Pisariaqartitsinermilu tamanna kommunimi pisortaqatigiit ingerlatiinnassavaat.

**Kommunit allallu ataqatigiissaarineq:**

Amerlasuutigut nalaataqarnermi naligiit qanillinerusarput. Kalaallit Nunaannilu kommuninut tallimanut tunngatillugu tamanna eqqorluinnartutut taaneqarsinnaavoq. Arlalitsigut kommunit assigiimmik, piffissaq eqqorlugu aalajangersimallutillu iliuseqartarsimapput. Tamatumani annertuumik ataqatigiissaareqatigiinneq isumaqatigiilluarnerlu pequtaalluinnartuupput. Ullut tamaasa nal. 9.00 kommunaldirektørit taakku tallimat ataatsimeeqatigiittarput aamma nal. 11.45 kommunit taakku tallimat borgmesterii kommunaldirektøriilu ataatsimiittarput. Periusissanik, isumasioqatigiinnernik ataqatigiissaarinernillu taamatut salliussineq pitsaasunik angusaqarfiupput, pingaartumillu tamanna eqqissisimanerulersitsillunilu isumannaatsutut misigisimatitsivoq.

***Aningaasatigut sulisoqarnikkullu naliliinerit***

Suliniutit taakkartorneqartut arlallit soorunami kommunimut aningaasatigut kinguneqartitsipput. Taamatut nalaataqarnermut akiligassaq annikinngilaq, maannalu aningaasatigut annertuumik kinguneqalereerluni. Missingersuutit atuinerlu qanimut pisortaqatigiinnit malinnaaffigineqarput, taamatullu ineriartornerup ilutigalugu aningaasaqarnikkullu missiliutit iluarsaanneqartuurtarput. Tamatuma saniatigut kommunimi aningaasat tigorianaanaat amerlisarniarlugit sipaarutaasinnaasunik immikkoortut tamarmik misissuiffigineqarput. Tassunga ilanngullugu kvartalimut siullermut missingersuutit malitseqartinneqarneranut atatillugu sipaaruteqarnissamik siunnersuutit saqqummiunneqarneratigut.

***Inatsisitigut tunngavissaq allakkallu tunngaviusumik uppemarsaatitallit***

Soqanngilaq

***Ingerlariaqqinnissaq***

Soqanngilaq

**Aningaasaqarnermut Allatseqarfimmit oqaaseqaatit**

Soqanngilaq

**Innuttaasunik peqataatitsineq/attaveqaqatigiinneq**

Sapinngisamik amerlanerpaanut nittartakkatigut, tusagassiuutinut nalunaaruteqarnikkut inuit attaveqaqatigiittarfiatigullu ataavartumik paasititsiniaasoqartarpoq.

**Ingerlatsivinnit allaniit oqaaseqaatigineqartut**  
Soqanngilaq

**Ilangussat**  
Soqanngilaq

# **Punkt 05G: Ukiumut naatsorsuutit 2018 – Naatsorsuutit inaarneqarneri kukkumersiuusut oqaaseqaataannik imallit**

## **Beslutning**

Inassuteqaat akuersissutigineqarpoq.

## **Bilag**

Ukiumut naatsorsuutit

Uunga tapiliussaq

Kukkumersiuusut oqaaseqaataasa akissuteqarfiginerat

## Ukiumut naatsorsuutit 2018 – Naatsorsuutit inaarneqarneri kukkunersuiusut oqaaseqaataannik imallit

Ukiumoortumik naatsorsuutit 2018

Aalajangiiffigisassaq

J.nr.: 06.06.03.

Suliffeqarfimmut Kiffartuussivik - Vicekommunaldirektøri Marie Fleischer / MAFL

### Suliassamik eqikkaaneq

Kommunalbestyrelsip 27.08.2019-imi ataatsimiinnermini 2018-imut ukiumoortumik naatsorsuutit oqaluuserai, kukkunersuiusunullu nassiunneqarnissaat akuersissutigalugu.

Kingornagut inaarutaasumik kukkunersuiuneq naammassineqarpoq, taavalu 02.04.2020 kukkunersuiusut nalunaarutaat kukkunersuiusut oqaaseqaataanik imallit pissarsiarineqarpoq.

Kukkunersuiuneq arlalinnik nuussuinerneq kinguneqarpoq ukiumoortumillu nalunaarusiarineqarsimasumut siullermut sanilliullugu nalunaarusiaq una naapertuuttumik iluarsaanneqarpoq.

Ukiumoortumi nalunaarusiami iluarsaanneqartumik kisitsisit pingaarnernit ukuupput:

|  |           | <b>2018</b>  | <b>2017</b>  |
|--|-----------|--------------|--------------|
|  |           | <b>t.kr.</b> | <b>t.kr.</b> |
| Inerera  | 60.193.60 | 56.031       |              |
| Pigisat  |           | 1.967.348    |              |
| 839.978  |           |              |              |
| Namineq aningaasaatit (konto aningaasaatinik imalik) |           | (1.644.413)  | (732.605)    |
| ( ) = sinneqartoorneq aamma akiitsut                 |           |              |              |

Kommunip kukkunersuiusua Deloitte 2018-imut naatsorsuutit kukkunersiorneqarnerat aamma kukkunersuiinnermi angusat pillugit kukkunersuiusimaneq toqqammavigalugu kukkunersuiusut nalunaaruteqarput.

Kukkunersuiusut naatsorsuutigisamik isornartorsuiupput, ilaatigut kukkunersuiusut atsiugaanni aamma kukkunersuiusut oqaaseqaataanni.

### Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- 2018-imut ukiumoortumik naatsorsuutit inaarutaasumik akuerineqassasut
- Kukkunersuiusut nalunaarutaat tusaatissatut tiguneqassasut
- Akissutitut nassuiaat tusaatissatut tiguneqassasoq
- suliaq aalajangiiffigisassatut Kommunalbestyrelsimut ingerlateqqinneqassasoq

### Suliassamik saqqummiussineq

Kommunalbestyrelsip 27.08.2019-imi ataatsimiinnermini 2018-imut ukiumoortumik naatsorsuutit oqaluuserai, kukkunersuiusunullu nassiunneqarnissaat akuersissutigalugu. Naatsorsuutsini 4,9 mio koruuninik sinneqartoornissaq naatsorsuutigineqarpoq.

Kukkunersiuinermi arlalinnik iluarsiiisuteqartoqarnissaa paasineqarpoq, ukiumoortumik naatsorsuusionerme inaarutaasumi 60,2 mio koruuninik amigartoornissamik takussutissaqarluni.

Iluarseereernerme nuusseqqinnerit makkuupput:

| Beskrivelse  | Aktiver          | Gæld            | Egenkapital       | Resultat      |
|--|------------------|-----------------|-------------------|---------------|
| <b>Årsregnskab af 27.08.2019</b>                     | <b>2.009.707</b> | <b>-299.391</b> | <b>-1.709.532</b> | <b>-4.926</b> |
| Korrigerede fejl                                     |                  |                 |                   |               |
| Periodiseringsfejl anlægsudgifter                    | -41.819          |                 | 41.819            | 41.819        |
| Afskrivninger af tilgodehavender forældet 31.12.2018 | -12.264          |                 | 12.264            | 12.264        |
| Aktier i KIT A/S - solgt. Restværdi skal afskrives   | -26              |                 | 26                | 26            |
| Tilskud 2. rate 2018 Filmworkshop Nuuk               |                  | -425            | 425               | 425           |
| Takstbetaling december 2018, bogført 2019            |                  | -521            | 521               | 521           |
| Takstbetaling december 2018, bogført 2019            |                  | -5.151          | 5.151             | 5.151         |
| Takstbetaling december 2018, bogført 2019            |                  | -480            | 480               | 480           |
| Takstbetaling december 2018, bogført 2019            |                  | -211            | 211               | 211           |
| Takstbetaling december 2018, bogført 2019            |                  | -832            | 832               | 832           |
| Takstbetaling december 2018, bogført 2019            |                  | -1.389          | 1.389             | 1.389         |
| Takstbetaling december 2018, bogført 2019            |                  | -140            | 140               | 140           |
| Inventar til plejehjem Paamiut                       |                  | -317            | 317               | 317           |
| Kreditnota bogført 2019 - vedr fakt bogført i 2018   |                  | 220             | -220              | -220          |
| Entreprenørdgift fakt dateret november 2018          |                  | -1.763          | 1.763             | 1.763         |
| Reklassifikationer                                   | 11.750           | -11.750         |                   |               |
| <b>Korrigeret årsregnskab</b>                        | <b>1.967.348</b> | <b>-322.150</b> | <b>-1.644.414</b> | <b>60.192</b> |

Kommunip kukkunersiuusua Deloitte 2018-imut naatsorsuutit kukkunersiorneqarnerat aamma kukkunersiuinerme angusat pillugit kukkunersiuusimaneq toqqammavigalugu kukkunersiuusutut nalunaaruteqarput.

Deloittep innuttaasunit suliffeqarfinniillu pisassarisat nalingisa naatsorsornerisa naammattumik kukkunersiorneqarneri uppernarsarsinnaanginnerata kingorna kommunip 2018-imi ukiumoortumik nalunaarusiami sillimaffigineqarnissaat oqaatigaa.

Kukkunersiuusup kommunip aqutsinikkut nalunaarutaanut, aningaasaqarnermi aqutsineranut kiisalu aningaasaliissutinik aqutsineranut isornartorsiuusunik oqaasertaliipput. Kukkunersiuusup oqaaseqaataa 2018-03 aamma itinerusumik oqaasertalerneru imm. 3.1.3 kiisalu ilanngussami 5.7.3 takuuk. Allaffeqarfimmit suliamut ilanngunneqartumik kukkunersiuusut nalunaarusiaanut akissutimut nassuiaateqarput.

Kukkunersiuusut nalunaarusiaanittaaq 2019-imi februaarimi ilaannakortuik nalunaarusiap nangeqqinneraa, tassani kukkunersiuusooq aningaasaqarnermut aqutsinerme pissutsit pillugit tunngavilersuimmat.

Tamakkuva saniatigut aningaasaqarnermut aqutsinerup pitsaasumik torersumillu qularnaarneqarnissaanut ingerlatsiviup pitsanngorsarnissaanut inerisarneqarnissaanullu

nangittumik sulisoqarpoq. Naatsorsuutigineqarportaaq 2019-imut naatsorsuutit ataatsimiinnermi kukkunersiortumut nassiuuneqarnissaanut akuersissutigineqartussat Kommuneqarfik Sermersuup aningaasaqarnermut aqutsinerata allanngorsimaneranik takussutissiissasut.

Kukkunersiuisoq aamma arlalinnik oqaaseqaatiliroq, allaffeqarfimmiit suliniutit pillugit nassuiaassaaq oqaaseqaatit iliuuseqarfiginiarlugit.

Allaffeqarfiup oqaaseqaatai akissutitut nassuiaammi atuarneqarsinnaapput.

#### *Aaqqiissutissatut siunnersuut – suliatiqut naliliineq*

Kommunaldirektørip siornatigut ilisimatitsissutigereerneratigut -kukkunersiuisuttaaq aamma februaarimi 2019-imi ilaannakortumik nalunaarusiami maluginiarneqarsimavoq, tassa 2018-imi ukiumut naatsorsuutini Kommuneqarfik Sermersooq arlalinnik ajornartorsiorsimammat. Ajornartorsiutit aningaasaqarnermik aqutsinermi nutaamik ERP-itaarneq, soorlu kommunit allat Namminersorlutillu Oqartussani piffissami tassani tamanna atuutsinneqalersimasoq.

Kommuneqarfik Sermersooq Nunatsinni kommunini siullersaalluni systemimik nutaamik tassunga atuilernikuuvoq. Nunatsinni kommunini siullersaalluni kommuni atuutilersitsinermut atatillugu ajornartorsiutinik pingaarutilinnik assigiinngitsunik aqqusaagaqartarpoq. Ajornartorsiutit tamakkua kommunit sinnerinut Namminersorlutillu Oqartussanut taamak annertutigisumik uteqqinneqarunangillat.

AX-ip atuutilersinneqarnissaanut tamakkiisumik isumalluarpugut, suliniutit pilersaarutillu aallartereersut eqqarsaatigissagaanni.

Ukiut siulii assigalugit annerusumik minnerusumilluunniit kukkunersiuisut nalunaarutaanni uparuarneqartartut arlaqarput. Kommuneqarfik Sermersuup pissutsit taakkua iluarsinissai pingaaruteqarpoq. Tamannali ullormiit ullormut pisinnaanngilaq - pissutsillu iluarsiniarnissaanut oqitsorsiornavianngilagut, tungaanulli ingerlavugut.

Kommuni 2020-imi qaammatini arfinilinni siullerni ERP systemip atuutsinneqalernera pillugu killiffimmik qulaajaalluni aallartippoq, ingerlatsivinni aningaasaqarnermullu immikkoortortaqaqarfimmi ajornartorsiutit paasineqarsimasut pillugit aaqqiissuteqarfiginiarlugit. Tassunga atatillugu atuisut systemimik atuillualerniassammata, ilinniartinneqarnissaat suli qitiutinneqarpoq.

Kommuni ulloq manna tikillugu suliniutinik nutaanik pingaarutilinnik suliassanillu ingerlataqarnini nangeqqippaa, tamakkununga ilanngullugit aqutsinermi paasissutissanik, aningaasaqarnermi aqutsinikkut piginnaasanik pitsanngorsaanerit kiisalu illup iluani nakkutilliissutinik pitsanngorsaanerit, tamakkulu tamarmik kommunip allaffeqarfiata ineriartornerata ilorraap tungaanut isumannaatsumik nikeriarnissamat qularnaarisussaapput.

Suliniutit ilarpassui ukiup siuliani aallartinneqartut suli pingaaruteqarput qitiutinneqarlutillu. Taamaaliornissamat immikkoortut tulluuttut qitiutinneqarnissaat pisariaqarpoq:

- Qaammatit tamaasa assigiissakkamik missingersuutitigut malinnaatitsinerit
- Akiliisinnaassusermik aqutsineq
- Aningaasaliissutinik missingersuutinillu akisussaaffeqarnermik isumannaarineq
- Qitiusumi suliassanut toqqartumillu suliakkiutigineqartunut arlalinnut suliassat suunerinik allaaserisaqarneq
- Inatsisinik malittarisassanillu malitaqarneq

Tamakkua saniatigut aningaasaqarnermut aqutsinerup pitsaasumik torersumillu qularnaarneqarnissaanut ingerlatsiviup pitsanngorsarnissaanut inerisarneqarnissaanullu nangittumik sulisoqarpoq.

Naatsorsuutigineqarportaaq 2019-imut naatsorsuutit ataatsimiinnermi kukkunersuortumut nassiunneqarnissaanut akuersissutigineqartussat Kommuneqarfik Sermersuup aningaasaqarnermut aqutsinerata allanngorsimaneranik takussutissiissasut.

*Inatsisitigut tunngavissaq allakkallu tunngaviusumik uppersaatitallit*

- Kommunit aqunneqarnerat pillugu Inatsisartut inatsisaat nr. 22, 18. november 2010-meersoq
- Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq
- Namminersornerullutik Oqartussat kommunini il.il. suliassa qarfiutaasa kukkunersiorneqartarnerat pillugu Namminersornerullutik Oqartussat nalunaarutaat nr. 14, 23. august 1999-imeersoq

*Ingerlariaqqinnissaq*

Kommunalbestyrelse akuersissuteqareerpat ukiumoortumik naatsorsuutit, kukkunersuuisut nalunaarutaat aammalu akissutitut nassuiaatigineqartoq Namminersorlutik Oqartussani Aningaasaqarnermut Nunamullu namminermut tunngasunut Naalakkersuisoqarfimmut kukkunersuuisunullu nassiunneqassapput.

Naatsorsuutit inaarutaasut assigalugit kukkunersuuisut nalunaarutaat akissutitullu nassuiaat ilanngullugit kommunip nittartagaanut tamanut saqqummiunneqarumaarput.

**Aningaasaqarnermut Allatseqarfimmit oqaaseqaatit**

Suliamut allanneqarput.

**Ilanngussat**

1. Ukiumut naatsorsuutit
2. Uunga tapiliussaq
3. Kukkunersuuisut oqaaseqaataasa akissuteqarfiginerat

## **Punkt 05H: Ukiumoortumik naatsorsuutit 2019 – kukkuniuissunut nassiussineq**

### **Beslutning**

Inassuteqaat akuersissutigineqarpoq.

### **Bilag**

2019-imut ukiumoortumik naatsorsuutaagallartut DK

## **Ukiumoortumik naatsorsuutit 2019 – kukkunersiuisunut nassiussineq**

### **Aalajangiiffigisassaq**

J.nr.: 06.04.01

Suliffeqarfimmut Kiffartuussivik - kommunaldirektøri Lars Møller-Sørensen / LMS

### **Suliassamik eqikkaaneq:**

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq kiisalu karseqarnerat naatsorsuuseriveqarnerallu naapertorlugit Aningaasaqarnermut Inuussutissarsiornermullu Ataatsimiititaq naatsorsuutitik Kommunalbestyrelsimut saqqummiussisassaaq, tassanngaanniillu ukiumoortumik naatsorsuutit kukkunersiuisunut ingerlateqqinneqassapput.

Aamma nalunaarummi atuarneqarsinnaavoq, Kommunalbestyrelsip naatsorsuutit suliarisussaagai kingusinnerpaamik naatsorsuutit Aningaasaqarnermut Inuussutissarsiornermullu Ataatsimiititamut saqqummiunnerisa kingorna Kommunalbestyrelsip ataatsimiinnerani nalinginnaasumi siullermi.

Sulisoqarnermut Kiffartuussiviup 2019-imut ukiumoortumik naatsorsuutit Aningaasaqarnermut Inuussutissarsiornermullu Ataatsimiititamut matumuuna nassiuppai, kukkunersiuisunut ingerlatitseqqinneqarnissai siunertaralugu.

### **Inassuteqaat:**

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- ataatsimiititamit 2019-imut ukiumoortumik naatsorsuutit Kommunalbestyrelsimut saqqummiunneqassasut
- suliaq aalajangiiffigisassatut Kommunalbestyrelsimut ingerlateqqinneqassasoq.

### **Suliassamik saqqummiussineq:**

Aningaasaqarnermut Allatseqarfik, 2019-imi ukioq naatsorsuusiorfimmi naatsorsuutilerineq tunngavigalugu, 2019-imut naatsorsuutit inissitsitersimavai.

Ukiumoortumik naatsorsuutit saqqummiunneqartut Aningaasaqarnermut Inuussutissarsiornermullu Ataatsimiititamut nassiunneqassapput, taamaalilluni ataatsimiititap Kommunalbestyrelsimut oqaluuserisassatut ingerlateqqinniassammagit kingornalu kukkunersiuisunut ingerlateqqillugit.

2019-imi pinngitsoorani missingersuutinut malitseqartitsinissamut atatillugu kiisalu aalajangersimasunik aningaasaliissutissanik qinnuteqarnermut atatillugu ingerlatsinermit aningaasaliissutit ilassutissaat akuersissutigineqarput katillugit 70,1 mio. koruunit, ingerlatsinermit aallaqqaammut missingersuutaasunut 1,688 mia. koruuniusunut naleqqiullugu.

2019-imi ukiumi angusani 49,3 mio koruuninik sinneqartoortoqartoq takussutissaavoq naatsorsuutini sinneqartoortissatut missingersuutigineqaaqqaarsimasut 75,4 mio. koruuniusut. Taamaalilluni atuinerusoqarsimavoq, missingersuutinullu iluarsisanut sanilliukkaanni 26,2 mio. koruuninik isertitakinnerusoqarluni.

### **Naatsorsuutigisamut sanilliullugu pitsaannginnerusumik inernerusut pingaarnertut immikkoortunut ukununga tunngapput:**

- Namminersorlutik Oqartussanit tapiissutitigut naligiissaarinikkullu isertitakinneruneq

- Suliffeqarfinit pigisanit ilaannakuusumilluunniit pigisanit isertitakinneruneq aningaasaliissutitigullu pissarsiakinneruneq
- Tunisanit kiffartuussinernilluunniit isertitakinneruneq
- Suliassatigut aningaasartuutit ingerlatsinermilu tapiissutit annertunerusut
- Aningaasartuuteqarnerunerneq, tassunga ilanngullugu taarsigassarsisitsinermit nikingassutit

Taakkulu kommunip tamakkiisumik angusaanut naatsorsuutigisamiit pitsaannginnerusumik inerneqarpoq, **127,1 mio. kr.**

**Naatsorsuutigisamiit pitsaaneruserumik inernerusut pingaarnertut immikkoortunut ukununga tunngapput:**

- Suliffeqarfiit akileraarutaatigut isertitaqarneruleriartorneq, taamaattorli iluanaarutisianit akileraarutit annikilleriarlutik
- Atuisut akiliutaat isertitallu allat amerlaneruserut
- Inatsisitigut aaqqiissutit nuunneqarnerinut ilanngaatit ilanngaatigereerlugit aningaasartuutit ikinnerusut
- Sulisunut aningaasartuutikinneruneq
- Sanaartornermut pilersaarutit kinguartinneqartut
- Piffissami aalajangersimasumik nalikilliliinerit

Taakkulu kommunip tamakkiisumik angusaanut naatsorsuutigisamiit pitsaaneruserumik inerneqarpoq, **-100,9 mio. kr.**

**Oqaatigiumasat allat:**

2019-imut naatsorsuutini 2018-imut naatsorsuutituulli ERP systemitaarnermi kontunullu pilersaarummut nutaamut ikaarsaarnermut sunniutinit suli sunniuteqarnera malunnarpoq – taamaattorli 2018-imisut annertutiginningsumik.

Aningaasartuutit siunertanut/aningaasaliissutit kontukkaarlugit eqqortumik inissitsiternissaat suli nalornissutigineqartarpoq.

Tassunga tunngasunik suliaqarsinnaasunik peqalerneq ilutigalugu Aningaasaqarnermut Allatseqarfik Sulisoqarnermut Immikkoortortaq suleqatigalugu ERP systemimik atuinissamut kontunullu pilersaarut nutaamut tunngasumik sukumiineruserumik ilinniartitsinermik aallartitsiniarpoq.

**Aningaasaliissutit iluarsisat tunngavigalugit 2019-imut naatsorsuutini kisitsisit pingaarnertut ima ittut tulleriiaarneqarsinnaalerput:**

| Aningaasat mio. kr.-inngorlugit. ( - = isertitat)                  | Naatsorsuutit     | Aningaasaliissutit | Nikingassut      |
|--|-------------------|--------------------|------------------|
| Akileraarutinit ataatsimoortumik tapiissutiniillu il.il. isertitat | -2.007            | -2.021             | 14               |
| Ingerlatsinermut aningaasartuutit aamma isertitat                  | 1.713             | 1.659              | 54               |
| Ataavartumik ingerlatsinerup inerneru                              |                   |                    |                  |
| Sanaartornermut aningaasartuutit aamma isertitat                   | 245               | 287                | -42              |
| <b><i>Ukiumi angusat</i></b>                                       | <b><i>-49</i></b> | <b><i>-75</i></b>  | <b><i>26</i></b> |

### **Karsimiittuutigineqartussat piumasagaat:**

Kommunip aningaasaatai tigoriaannaat, naatsorsorneqarsimasut Namminersorlutik Oqartussat malittarisassaata naapertorlugit, ulloq 31. decembari 2019-imiit amerlassuseqarput 85 million koruunit.

Aningaasat tigoriaannaatigineqartut saniatigut kommune Grønlandsbanken A/S-imi aamma Bank Nordic A/S-imi 200 mio. koruunit nalinginik atoriaannaateqarpoq.

Taamaalilluni akiliutigeriaannagassatut aningaasat tigoriaannaat 285 mio. koruuninik annertussuseqarput.

*Karsimiittuutigineqartussat 6 % kommunip ataatsimut ingerlatsineranut sanaartorneranullu aningaasartuutai 123,6 million koruuniupput. Kommuneqarfik Sermersuup taamaalilluni karsimiittuutigineqartussat nammineq maleruagassiani 2019-ip naanerani malippai.*

*Taamaalillunilu Kommunit missingersuusiortarnerat, aningaasanik tigoriaannaateqarnerat, naatsorsuutaat, kukkunerisuiisoqarnerallu pillugit nalunaarut malinneqarpoq. Tassani aalajangersarneqarpoq kommunit qaquguluunniit aningaasanik tigoriaannarnik peqassasut, akiligassanut ingerlaavartunut naammattunik.*

*Aaqqiissutissatut siunnersuut – suliatigut naliliineq*

Naatsorsuutit imatut akuerineqartussaangillat, naatsorsuutit Kommunalbestyrelsimut ingerlateqqinneqartussaammata kingornalu kukkunerisuiusunut.

Kommunalbestyrelsip isummerfigissavai naatsorsuutinut oqaaseqaatit aammalu aalajangerlugu naatsorsuutini susassaqarfiit ataasiakkaat eqqarsaatigalugit arlaannik malitseqartitsisoqassanersoq.

*Aningaasatigut sulisoqarnikkullu naliliinerit*

Ingerlatsinermut sanaartornermullu missingersuutit katillugit 2,065 mia. koruuniusuni naatsorsuutit katillugit 26 mio. koruuninik atuivallaarfiuvoq, procentinngorlugu 1,26 procentiulluni.

*Inatsisitigut tunngavissaq allakkallu tunngaviusumik uppernarsaatitallit*

- Kommunit aqunneqarnerat pillugu Inatsisartut inatsisaat nr. 22, 18. november 2010-meersoq
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-meersoq

*Ingerlariaqqinnissaq*

Aningaasaqarnermut Inuussutissarsiornermullu Ataatsimiititami oqaluuserineqareernerata kingorna, naatsorsuutit kukkunerisuiusunut ingerlateqqinneqarnissaat eqqarsaatigalugit, Kommunalbestyrelsimut ingerlateqqinneqassapput.

Naatsorsuutigineqarpoq naatsorsuutit kingusinnerpaamik juunip qiteqqunnerani naammassineqarsimassasut, tamatuma kingorna kukkunerisuiusut nalunaarusiaat suliarineqassaaq pisariaqarpallu kukkunerisuiunik iluarsiiisoqarluni.

Tamatuma kingorna naatsorsuutit, kukkunerisuiusut uparuaataat ilanngullugit, Aningaasaqarnermut Inuussutissarsiornermullu Ataatsimiititamut inaarutaasumik akuersissutigineqarnissaannut ingerlateqqinneqassapput, taamaalillutik Kommunalbestyrelsimut inaarutaasumik akuersissutigineqarnissaannut ingerlateqqinneqassallutik.

**Aningaasaqarnermut immikkoortortaqarfimmit oqaaseqaatit:**

Naatsorsuutit eqqortuusut Aningaasaqarnermut Allatseqarfimmit isigineqarput - taamaattumik innersuussutigineqarpoq naatsorsuutit Aningaasaqarnermut Inuussutissarsiornermullu Ataatsimiititamut saqqummiunneqassasut kukkuneruisunullu nassiunneqarnissaat siunertaralugu Kommunalbestyrelsimut ingerlateqqinneqassallutik. Aningaasaqarnermut Allatseqarfimmit inassuteqaatigineqartut innersuussutigineqarput.

**Innuttaasunik peqataatitsineq/attaveqaqatigiinneq**

Soqanngilaq.

**Ingerlatsivinnit allaniit oqaaseqaatigineqartut**

Ingerlatsivinnit allanit oqaaseqaateqartitsisoqanngilaq.

**Ilanngussat:**

1. 2019-imut ukiumoortumik naatsorsuutaagallartut.

## **Punkt 05I: 2021-mut missingersuusiornissamut maleruagassat**

### **Beslutning**

Inassuteqaat akuersissutigineqarpoq.

### **Bilag**

2021-mut missingersuusiornissamut maleruagassat

## 2021-mut missingersuusiornissamut maleruagassat

Aalajangiiffigisassaq

J.nr.: 06.04.01

Suliffearfimmum Kiffartuussivik - Vicekommunaldirektøri Marie Fleischer / MAFL

### Suliassamik eqikkaaneq

Kommunip Ingerlatsinerumut Aningaasaqarnermullu Aqutsinerumut Najooqutassiaa naapertorlugu, Aningaasaqarnerumut Inuusutissarsiornermullu Ataatsimiititaq missingersuusiornissamut maleruagassanik saqqummiussiffigineqassaaq, ukiumi tulliuuttumi missingersuutit suliarineranni aningaasaliissutigineqartussanik aalajangersaaffiusumik.

Missingersuutit 2021-mut suliarineqarnissaannut missingersuusiornissamut maleruagassaq matumuuna Aningaasaqarnerumut Inuusutissarsiornermullu Ataatsimiititamut akuersissutigineqarnissaanut saqqummiunneqarpoq.

Missingersuusiornermut maleruagassat Covid 19-ip malitsigisai eqqarsaatigalugit kommunip aningaasaqarneranut naleqqussagaapput. Tamatuma 2021-mut missingersuut tamakkerlugu politikikkut oqallisigineqarnissaa pingaarnersiutinissarlu kingunerivaa, kommunip aningaasaatai amerlavallaanngitsut pitsaanerpaamik atorineqarnissaasa qulakkeerineqarnissaa siunertaralugu.

### Inassuteqaat

Aningaasaqarnerumut Ingerlatsiviup Aningaasaqarnerumut Inuusutissarsiornermullu Ataatsimiititamut inassuteqaatigaa:

- 2021-mut missingersuutitut missingersuusiornermut maleruagassat akuerineqassasut, 2021-mut Kommunip missingersuutitut tunngavii ilanngullugit aamma ukiumi tulliuuttumi missingersuutit imaalissasut:
  1. Aningaasaliissutit qaffasissusilerneqarnerat kontunut pilersaarummi nutaami aningaasaliissuteqartarnermi anguniagassatut qaffasissuseq 3-miippoq, ullorli 01.01.2018-imi atuutilersimasoq
  2. Akissarsiaqartitsinermi immikkut pituttorsimasoqassanngilaq
  3. Kommunimut akileraarutip procentia, ukiut siulii assigalugit, 26 %-iussasoq aalajangerneqarpoq
  4. Sinneqartoorutit ikinnerpaamik 100 mio. koruuniussapput.
  5. Ukiumi missingersuusiordiusumi ukiumi naatsorsuusiordiusup naanerani aningaasat tigorianaanaat ilanngaattissat ilanngaatigereerlugit aamma ukiumi missingersuusiordiusumi sanaartornermut aningaasaliissutit inernerisa 6 %-iisa amerlaqatigissavaat
  6. Sanaartornermut ikinnerpaamik 250 mio. koruunit immikkoortinneqassasut - tassannga ilaatigut kommunip ingerlatseqatigiiffiinit sanaartukkanut aningaasartuutit akilerneqartassapput
  7. Ukiut missingersuusiordiusut siullianni sanaartornermut missingersuutit 90 procentiinnaasa akuersissutiginnissaat, ukiut missingersuusiordiusut aappaanni 80 procentii, ukiut missingersuusiordiusut pingajuanni 70 procentii taavalu ukiut missingersuusiordiusut sisamaanni 60 procentii.
- suliaq inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

### Suliassamik saqqummiussineq

Kommunip Ingerlatsineranut Aningaasaqarnermullu Aqutsineranut Najoqqutassiaa naapertorlugu, Aningaasaqarnermut Inuussutissarsiornermullu Ataatsimiititaq missingersuusiornissamut maleruagassanik saqqummiussiffigineqassaaq, ukiumi tulliuuttumi missingersuutit suliarineranni aningaasaliissutigineqartussanik aalajangersaaffiusumik.

Aningaasaqarnermut immikkoortoqarfiup missingersuusiornermut malittarisassanut 2021-mut missingiut suliarivaa, 2021-mi missingersuutinik suliaqarnermut tunngaviusunik piffissamullu pilersaarumik imalik.

#### *Aaqqiissutissatut siunnersuut – suliatigut naliliineq*

Allaffeqarfiup sulianik naliliinera malillugu, 2021-mi, Covid 19-ip malitsigisaanik, aningaasaqarnermut ingerlanerliortoqarnissaa naatsorsuutigineqassaaq. Taamaattumik 2021-mut missingersuutinik naleqqussaasoqarnissaa anguniarneqarpoq. Tamatumani kommunip ukiumi tulliuuttumi suliaasaqarfii pingaarutillit aningaasassaqaartinneqarnissaasa qulakkeerneqarnissaat anguniagaavoq.

#### Missingersuusiornissamut ajornartorsiutaasinnaasunik eqikkaaneq:

Ataatsimut isigalugu, Kommuneqarfik Sermersooq 2020-mi - annerusumillu 2021-mi - aningaasartuuteqarnerunissami, soorlu aamma isertitaqarniarneq pillugu, ajornartorsiuteqarnerussaa naatsorsuutigineqarpoq.

- Aningaasartuutitut tunngatillugu aningaasarliulernissap sunniutissai nuussinermut isertitanut aningaasartuutaanerungaatsiartuusussaallutillu inuiaqatigiinni ilungersunartorsiortunut suliniutinut tunngasuusussaapput.
- Isertitassaniit akileraartarnermit isertitassat, suliffissaaleqinerup kinguneranik, ikilisussaapput, peqatigitillugulu atuisut akiliutigisartagaat taamatulli ikilinissaat naatsorsuutigineqarpoq. Naalakkersuisut aamma nammineq aningaasartuutissanik, kommuninut tapiissutit aqutugalugit, ikilisaaniarnissaat naatsorsuutigineqassaaq, imaluunniit pisortat aningaasartuutitut nammineq akiligassatigut kommuninut aningaasartuutai amertunerulersillugit.
- Tassunga ilanngunneqassaaq, Covid 19-imut aningaasartuuteqarnerunerup kommunip aningaasaataanik tigorianaannik atuineruneranik, taamaalilluni kommunip aningaasatigut ingerlanerliornermik qaangiiniarnissaa ajornakusoornersillugu.

Taamaalilluni Kommuneqarfik Sermersooq aningaasaqarneq eqqarsaatigalugu inissisimanerlunnisaq, kommunip aningaasatigut ingerlanerliornermi iluaqutissaanik suliniuteqarfiusariaqassaaq.

#### Suliniutit kommunip ajornartorsiornermi naammassisinnasai:

Missingersuusiornermut malittarisassani missingersuusiornermi tunngaviit 7-it assersuusiarineqarput, ataatsimut kommunip pitsaasumik aningaasaqarneranut qulakkerinneqataasinnaasut. Taamatut iliornikkut aningaasarsiornermi ingerlanerliorneq aningaasaqarnermut pisariaqartumik pissaqarluarnissaa kommunimit qulakkeerneqassaaq.

Aammattaaq missingersuusiortarneq pillugu malittarisassani missingersuusiortuarnissaaq qulakkeerniarlugu politikikkut piffissaliusaaq aalajangersagaavoq. Taamaattumik piffissami septembarimiit novembarimut missingersuutit peqqissaarullugit politikerinit suliarineqarsinnaaneri piffissalersorneqarput, allaffissornermilu sulisut maajimiit aggustimut piareersaatit suliarissallugit.

Aammattaaq missingersuusiortarneq pillugu malittarisassani politikerit minnerpaamik missingersuutit siullermeerneqarnissaat pilersaarutaavoq. Tamatuma nassataraa inatsisit maleruagassallu avataaniit suliaasut malitsigisaannik kommunip suliarisinnasai kisiisa siullermeerinissamut teknikkikkut allaffissornermik missingersuusiornermi ilaatinneqarmata.

Kommunalbestyrelsimi politikkikkut aalajangiussaasimasut kingunerisaannik suliassat politikkikkut pingaarnersiugassanngortinneqarlutillu missingersuusiornermi aalajangiussassanngorteqqinneqassapput. Taamatut iliornikkut kommunip suliassai ataatsimoortillugit missingersuusiornermi politikkikkut oqallisigineqarlutillu pingaarnersiorneqarsinnaapput, aammalu tamaat isigalugu sulianik sulianillu ingerlasunik toqqaanissaq unitsitsinissarlu aningaasatigut pissaqarnissamut aqutissiuisoqassaaq.

#### *Aningaasatigut sulisoqarnikkullu naliliinerit*

2021-mut missingersuusiornermut atatillugu suliassat pingaarnertut kommunip nammineq sulisuinit sularineqassapput.

#### *Inatsisitigut tunngavissaq allakkallu tunngaviusumik uppersaatitalit*

- Kommunit aqunneqarnerat pillugu inatsit, § 5
- Kommunit siumoortumik missingersuusiortarnerat, akiliisinnaassuseqarnerat, naatsorsuutaat kiisalu karsi aningaasanillu aqutsinerat pillugu nalunaarutit
- Ingerlatsinermit Aningaasaqarnermillu Aqutsinermit Najoqqutassiaq

#### *Ingerlariaqqinnissaq*

Missingersuusiornissamut maleruagassat 2021 akuersissutigineqassappat, piffissaliunneqartoq naapertorlugu missingersuusiorneq ingerlanneqassaaq.

Taamaalilluni inaarutaasumik missingersuutit inaarneqassapput kommunalbestyrelsimilu 24. novembari 2020-mi akuersissutigineqarlutik, tamatuma kingorna kingusinnerpaamik 30. novembari 2020-mi tamanut saqqummiunneqassapput.

#### **Aningaasaqarnermut immikkoortorta qarfimmit oqaaseqaatit**

Allanik oqaaseqaateqartoqanngilaq

#### **Ilanngussat**

1. 2021-mut missingersuusiornissamut maleruagassat

# **Punkt 05J: Qeqertarsuatsiaani tunitsiviliornissamut tunngatillugu Greenland Fish & Offshore ApS-ip saaffiginnissutaa**

## **Beslutning**

Inassuteqaat akuersissutigineqarpoq, ima oqaaseqaatitalerlugu: saaffiginnittoq (GFO) apeqquteqaammut tunngasumik akissuteqarfigineqassasoq, tassunga ilanngullugu saaffiginnissut politikkikkut suliarineqarsimasoq.

## **Bilag**

Peter Davidsenip siunnersuutaa

Nunaqarfimmi Aqutsisunit allakkat 26.10.2018

Ataatsimiinnermit imaqarniliaq 2.11.2018-meersoq

Suliap oqaluttuassartaa

## **Qeqertarsuatsiaani tunitsiviliorinissamut tunngatillugu Greenland Fish & Offshore ApS-ip saaffiginnissutaa**

Kommunalbestyrelsimut ilaasortap Peter Davidsenip (S) siunnersuutaa.

Aalajangiiffigisassaq

J.nr.: 01.01.07

Suliffeqarfimmut Kiffartuussivik - Kommunaldirektøri Lars Møller-Sørensen / LMS

### **Suliassamik eqikkaaneq**

Kommunalbestyrelsimut ilaasortaq Peter Davidsen (S) februaarip ulluisa 19-anni 2020 Aningaasaqarnermut Inuussutissarsiornermullu Ataatsimiititamut aalajangiiffigisassatut siunnersuummik nassiussivoq. Peter Davidsenip puisit amiinik Greenland Fish & Offshore ApS-ip tunitsivissamik pilersitsisoqarnissaanut saaffiginnissutaata Aningaasaqarnermut Inuussutissarsiornermullu Ataatsimiititami eqqartorneqarnissaa kissaatigaa.

### **Inassuteqaat**

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- Siunnersuut itigartitsissutigineqassasoq

### **Suliassamik saqqummiussineq**

Kommunalbestyrelsimut ilaasortaq Peter Davidsen (S) februaarip ulluisa 19-anni 2020 Aningaasaqarnermut Inuussutissarsiornermullu Ataatsimiititamut aalajangiiffigisassatut siunnersuummik nassiussivoq. Peter Davidsenip puisit amiinik Greenland Fish & Offshore ApS-ip tunitsivissamik pilersitsisoqarnissaanut saaffiginnissutaata Aningaasaqarnermut Inuussutissarsiornermullu Ataatsimiititami eqqartorneqarnissaa kissaatigaa.

Siunnersuuteqarnermut tunngavilersuut:

*"Greenland Fish & Offshore ApS saaffiginnissutaa tunngavigalugu sukumiinerusumik Aningaasaqarnermut Inuussutissalerinerimullu Ataatsimiitsitaliamut nassuiaateqartoqarnissaa kissaatigaara."*

Siunertaa:

*"Qeqertarsuatsiaani nunaqarfimmi aqutsisut kommunalbestyrelsimut saaffiginnissutaanni ilaatigut eqqartorneqarpoq nunaqarfiup siunissaa pillugu tunitsiveqarnikkut siursaanissaq pingaaruteqartoq. Kommune tamassuminnga soqutigisaqarlunilu nunaqarfiup ineriartortinnissaa pillugu isummanut isumaqataasariaqarpoq".*

*Inatsisitigut tunngavissaq allakkallu tunngaviusumik uppersaataitallit*

- o Kommunit aqunneqarnerat pilugu Inatsisartut inatsisaat nr. 22, 18 november 2010-meersoq § 13. Kommunalbestyrelsimut ilaasortap kialuunniit kommunip susasaqarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat sukkulluunniit malinneqartussaataasut pillugit kommunalbestyrelsimut nalunaaruteqassapput.

### **Suliffeqarfimmut Kiffartuussivimmit innersuussutip tunuliaqutaa:**

Suliffeqarfimmut Kiffartuussiviup inassuteqaatigaa siunnersuut itigartitsissutigineqassasoq, Kommuneqarfik Sermersuumi Greenland Fish & Offshore ApS (GFO)-p Qeqertarsuatsiaani tunitsiviliorinissaq pillugu saaffiginnissutaata sularineqareenera pissutigalugu.

Suliffeqarfimmut Kiffartuussiviup GFO-p saaffiginnissutaa 2018-imi ukiakkut tiguaa, tassungalu peqatigitillugu Nunaqarfimmi Aqutsisut Kommunalbestyrelsimut allagarput, suliassamullu tapersiinertik nalunaarutigalugu aammalu Qeqertarsuatsiaani aalisarnermik inuussutissarsiteqarnermi periarfissat ersarissarlugit. Saaffiginnissummi Kommuneqarfik Sermersuumiit aningaasatigut tapiisoqarnissaa ujarorneqarmat, Borgmesterip aalajangerpaa suliaq allaffeqarfimmit suliarineqassasoq. Tamatuma kingornatigut kommunip Pisortaqatigiit Allatseqarfiat, Sanarfinermut Avatangiisinullu Ingerlatsivik aammalu Inuussutissarsiornermut immikkoortortaq peqatigalugit GFO (ilanngussaq 2) ataatsimeeqatigai. Ataatsimiinnermi erseqqissaatigineqarpoq, suliassamut kommune toqqaannartumik aningaasatigut tapiissuteqarsinnaangitsoq, Kommunit aqunnerat pillugu Inatsisartut inatsisaat nr. 29, 17. november 2017-imeersoq, aammalu Unammilleqatigiinneq pillugu Inatsisartut inatsisaat nr. 1, 15. maj 2014-imeersoq innersuussutigalugit. Inerniliunneqarpoq Kommuneqarfik Sermersooq taamaallaat najoqqutassatut piumasaqaatinik suliaqarsinnaasoq, suliffeqarfinnulli ataasiakkaanut allat assigalugit aningaasatigut tapiissuteqarsinnaangilaq.

#### *Ingerlariaqqinnissaq*

Aningaasaqarnermut Inuussutissarsiornermullu Ataatsimiititap aalajangernera Qinikkanut Allatseqarfimmit allaffissornikkut isumagineqassaaq.

#### **Ilanngussat**

1. Peter Davidsenip siunnersuutaa
2. Nunaqarfimmi Aqutsisunit allakkat 26.10.2018
3. Ataatsimiinnermit imaqarniliaq 2.11.2018-meersoq
4. Suliap oqaluttuassartaa

## **Punkt 05K: Sanarfinermut Avatangiisinullu Ingerlatsivimmi 2020-mut missingersuutini nuussineq**

### **Beslutning**

Inassuteqaat akuersissutigineqarpoq.

Ammasunut 05K-nngorlugu nuunneqarpoq.

### **Bilag**

Missingersuutit ataatsimoorussa

# Sanarfinermut Avatangiisinullu Ingerlatsivimmi 2020-mut missingersuutini nuussineq

Aalajangiiffigisassaq

J.nr.:00.00

Sanarfinermut Avatangiisinullu Ingerlatsivik – pisortaq, Hans Henrik Winther Johannsen / HHWJ

## Suliassamik eqikkaaneq

Sanarfinermut Avatangiisinullu Ingerlatsiviup matumani suliassamik saqqummiussinermi Ingerlatsineq & Avatangiisit pillugit immikkoortorta qarfimmi ingerlatsinermut missingersuutiniittut nuunneqarnissaat qinnuteqaatigai. Siunertamit 1601010 Allatseqarfimmit katillugit 43,2 mio. koruunit teknikeqarfimmi siunertanut assigiinngitsunut, tabeli 1.1 tullianiittoq takuuk, nuunneqassapput. 2020-mut missingersuutit akuerisaareertunut sunniuteqarani nuussisoqassaaq.

Missingersuutitigut nuussineq Ingerlatsineq & Avatangiisit pillugit immikkoortorta qarfimmi annertuumik aqqissuussaanikkut allanngortiterinermut atatillugu pivoq, tamannalu 2019-imi ukiaaneranili ingerlanneqarpoq. Nuussinermi Sanarfinermut Avatangiisinullu Ingerlatsiviup iluani aammali Ingerlatsineq & Avatangiisit pillugit immikkoortorta qarfinni ataasiakkaani aningaasaqarnikkut aqutsineq pitsanngorsaavigineqarnissaa siunertaavoq.

## Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- katillugit 43,2 mio. koruuninik nuussisoqarnissaa akuersissutigineqassasoq

## Suliassamik saqqummiussineq

Sanarfinermut Avatangiisinullu Ingerlatsiviup Ingerlatsineq & Avatangiisit pillugit immikkoortorta qarfimmi missingersuutiniittut katillugit 43,2 mio. koruunit nuunneqarnissaat qinnuteqaatigai. Taakku tassaapput Ingerlatsineq & Avatangiisit pillugit immikkoortorta qarfimmi sulisunut akissarsiassanut missingersuutit katillugit 43,2 mio. koruunit. Akissarsiassanut missingersuutit ullumikkut siunertami 160101 Allatseqarfimmi ataatsimut inississimapput, maannalu teknikeqarfimmi siunertanut eqqornerusunut nussorneqarnissaat kissaatigineqarpoq, takuuk tabeli tulliumiittoq 1.1. *Ingerlatsinermi nuussinissamik kissaatigineqartunut takussutissaq.* Siunertat assigiinngitsut akornanni akissarsiassanut missingersuutit agguataarneqarneri sulisut ataasiakkaat atuuffii pingaarnertit nalilersorneratigut suliarineqarput.

### 1.1. Ingerlatsinermi nuussinissamik kissaatigineqartunut takussutissaq.

| Nuussinissamik kissaatigineqartut      |  | 1.000-inngorlugit. |             |
|--|--|--------------------|-------------|
| Siunertaq                              | Immikkoortoq   | Nuussineq +        | Nuussineq - |
| <b>Sanarfinermut Avatangiisinullu</b>  |  |                    |             |
| 16.01.01 Allatseqarfik                 | Ingerlatsineq & Avatangiisit pillugit immikkoortorta qarfimmi sulisunut tamanut 2020-mi akissarsiassanut missingersuutit katinneri |                    | -43.212     |
| 04.01.01 Piniarneq aalisarnerlu        | Akissarsiassanut missingersuutit   | 145                |             |
| 07.02.01 Pinngortitaq nakkutilliinerlu | Akissarsiassanut missingersuutit   | 1.024              |             |

|  |                                  |               |                |
|--|----------------------------------|---------------|----------------|
| 07.03.03 Qimmeqarnek akornutaasunillu uumasuiaaneq   | Akissarsiassanut missingersuutit | 189           |                |
| 07.03.04 Tigooraaviit  | Akissarsiassanut missingersuutit | 9.365         |                |
| 07.04.01 Sumiiffimmi entreprenørit   | Akissarsiassanut missingersuutit | 25.575        |                |
| 07.05.01 Teknikimut, avatangiisinut pilersaarusionernnullu oqartussaaffeqarfimmi suliaqarnek | Akissarsiassanut missingersuutit | 608           |                |
| 09.03.03 Kuuffissuit   | Akissarsiassanut missingersuutit | 512           |                |
| 10.01.02 Eqqagassalerineq  | Akissarsiassanut missingersuutit | 608           |                |
| 10.01.07 Illut sulliviit   | Akissarsiassanut missingersuutit | 1.643         |                |
| 10.01.09 Ikuallaavik   | Akissarsiassanut missingersuutit | 3.543         |                |
|  | <b>KATILLUGIT</b>                | <b>43.212</b> | <b>-43.212</b> |

Ingerlatsineq & Avatangiisit pillugit immikkoortortaarfimmi missingersuutitut ullumimut tamakkiisumik paasinissai ajornakusoortupilussuusimavoq. Missingersuutit atuinerlu tamakkiisumik paasisaqarfiginiarlugit immikkoortortaarfimmi ataasiakkaani aqutsisut namminneq immikkoortortaarfii 27-t assigiinngitsut akornanni paasiniaasariaqartarsimapput. Taamaalilluni missingersuutinik tamakkiisumik paasineqarsinnaasimanngillat atuinerlu tamakkiisumik takuneqarsinnaani, taamaattumillu Ingerlatsineq & Avatangiisit pillugit immikkoortortaarfimmi aningaasaqarnermik aqutsineq pitsaanerpaasimanani.


Sanarfinermut Avatangiisinullu Ingerlatsivimmi Aningaasaqarnermut peqatigalugu Ingerlatsineq & Avatangiisit pillugit immikkoortortaarfimmi missingersuutit iluarsiniarlugit suliniuteqarpoq. Suliniuteqarnermi aningaasaqarnermut atortorissaarummi AX-imi immikkoortortaarfimmi aaqqissuussaaneq, Ingerlatsineq & Avatangiisit pillugit immikkoortortaarfimmi aaqqissuussaaneq assinganik, pilersinniarnepoq.

Immikkoortortaarfimmi nutaani AX-imi nalequssaanikkut missingersuutillu allatut aaqqissuunneratigut immikkoortortaarfimmi ataasiakkaani aqutsisut missingersuutiminnik atuinerminnullu malinnaasinnaanngorput. Taamaalilluni Ingerlatsineq & Avatangiisit pillugit immikkoortortaarfimmi aamma Sanaartornermut Avatangiisinullu Ingerlatsivimmi tamarmi aningaasaqarnermik aqutsineq pitsaanerulersinneqarpoq.

### **Aaqqiissutissat siunnersuutit – suliatigut naliliineq**

Sanarfinermut Avatangiisinullu Ingerlatsivik, Aningaasaqarnek suleqatigalugu, Ingerlatsineq & Avatangiisit pillugit immikkoortortaarfimmi immikkoortortaarfimmi 14-inik pilersitsisoqarpoq (immikkoortullu pingasut atorneqaqqillutik). Maannakkut immikkoortortaarfii 27-t taarsiullugit immikkoortortaarfii 14-it siunissami Ingerlatsineq & Avatangiisit pillugit immikkoortortaarfimmi aaqqissuussaaneq pilersitsisuussapput, takuuk takussutissiaq 1.2. *Ingerlatsineq & Avatangiisit pillugit immikkoortortaarfiup aaqqissuussaaneq.*

### **1.2. Ingerlatsineq & Avatangiisit pillugit immikkoortortaarfiup aaqqissuussaaneq.**



Ingerlatsineq & Avatangiisit pillugit immikkoortortaqrarfiup ingerlatsinermut 2020-mut missingersuutit katillugit 59,6 mio. koruuniupput. 2020-mut missingersuutini 59,6 mio. koruuninit 16,4 mio. koruunit ingerlatsinermut tunngassuteqarput, 43,2 mio. koruunit akissarsiassanut missingersuutinut tunngallutik. Taakku 16,4 mio. koruunit siunertanut eqqortunut inissinneqareerput, immikkoortortaqarfinnulli nutaanut nuunneqaannartussaallutik. Taamatuttaaq akissarsiassanut missingersuutaasut 43,2 mio. koruunit immikkoortortaqarfinnut, siunertanut eqqornerusunut, nuunneqassapput.

Nuussinerit pillugit tamakkiisumik takussutissaq ilanngussaq 1-imiippoq - Excelark ilanngunneqartoq.

### **Aningaasatigut sulisoqarnikkullu naliliinerit**

Matumani aningaasaliissutininut tunngassuteqanngillat nuussinermut taamaallaat tunngassuteqarmata, nuussinernullu atatillugu ingerlatsinernut il.il. aningaasartuuteqarnerunermut tunnganngillat. Akerlianilli aqqissuussaannikkut ajornannginnerulersitsinermut tunngassuteqarput, tassungalugu ilutigalugu immikkoortortaqarfinni ataasiakkaani aningaasaqarnermut tunngasunik paasinninnerulernissaq aqutsinerlu pitsaanerulersinniarlugu immikkoortortaqarfimmut aningaasaqarneq ilanngunneqarpoq.

## **Inatsisitigut tunngavissaq allakkallu tunngaviusumik uppersaatitallit**

Soqanngilaq

### **Ingerlariaqqinnissaq**

Ingerlatsineq & Avatangiisit pillugit immikkoortortaqaarfimmi aqqissuussaannermut sulianillu naammassiortuinnernut tunngatillugu naleqqunnerusunik immikkoortortaqaarfinnik nutaanik pilersitsisoqarpoq. Tamatuma malitsigisaanik immikkoortortaqaarfinni ataasiakkaani suliassanut sammisanullu aningaasartuutit isertitallu ataqatigiinneri qulakkeerniarlugit missingersuutini nuussinissat suliarineqarput.

Nuussinissat akuerineqarpata missingersuutit atuinerillu ukiup aallartinneraniit massakkumut (ÅTD) tunngasut nuunneqassapput immikkoortortaqaarfinnut nutaanut, akissarsiassanut atortorissaarut GLN-imullu allattorsimaffiit nutarterneqassapput. Tamatuma kingorna sulisut pisiortortarfiillu allannguutit suleriutsillu nutaat pillugit ilisimatinneqassapput.

Taamaaliornissaq tamaat Sanarfinermut Avatangiisinullu Ingerlatsiviup Aningaasaqarnerullu akornanni pilersaaruserneqarlunilu naleqqussarneqarpoq. Immikkoortortaqaarfiit nutaat ingerlallualerpata immikkoortortaqaarfiit nutaanngitsut matuneqassapput, taamaaliornikkut kukkusumik kontunut inissiortuinerit pinngitsoortinneqassapput.

### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfiup nuussinissaq iluarisimaarpaa, allatseqarfimmit maluginiarneqarmat iliuuserineqartussat taakkartorneqartut aqqissuussaannerup aningaasaqarnerullu ataqatigiinnissaannut kissaatigineqartumut annertunerusunik qulakkeerinnittuummat.

### **Innuttasunik peqataatsineq/Attaveqaqatigiinneq**

Soqanngilaq.

### **Siusinnerusukkat aalajangerit:**

*Sanarfinermut Avatangiisinullu Ataatsimiititap apriliip 15-iani 2020-mi aalajangerera:*  
Inassuteqaat akuersissutigineqarpoq.

### **Ilanngussat**

1. Missingersuutit ataatsimoorussa

## **Punkt 6: Taasariaqartut allat**

### **Beslutning**

Henrik Rachlev (IA): Paamiuni blokkinik ingutserineq inissaaleqinerlu.

Peter Davidsen (S): Immikkoortumut pilersaarut tamatuminggalu suliaqarneq, ilaatigut Puulukip Nuua.

## **Punkt 7: Lukket**

**Punkt 07x: Lukket**

## **Punkt 07A: Lukket**

## **IMMIKKOORTOQ 07B: Lukket**

## **IMMIKKOORTOQ 07C: Lukket**

## **IMMIKKOORTOQ 07D: Lukket**

# **IMMIKKOORTOQ 8: Imaqarniliap akuerineqarnera**

## **Beslutning**

Imaqarniliaq akuerineqarpoq nal. 18.02